


# U KYALA MWENEMAKA

## AKUPULÍGWE PANKYENI PA USWE

 Nsimbile a Masimbo manini, aga une ngulonda ukuyobelamo kwa umwe, kangu une ngusubila ukuti Kyala isakusayaga ukugela kwitu ukõnywa.

<sup>2</sup> Lilino, abandu bingi baswigile fiki uswe tuli bakindane fiyo kangu bāfyongo fiyo. Umwe mumenye, ulu lo luko lungi ulwa—ulwa lukomano-lukulumba ukukinda iki abandu bi—bi bīsibile ukukéta. Kangu, bwila, kilikyosa kyo mu luko lwa mbubumbe bwa tumula-kangu-kyumāno. Loli akabalilo kako uswe tukwisa ku ngomano-ingulumba isi, iki kili lusako lwangu ku fyinja fingi ukufuma pápo isyene syālyandígwe, kangu uswe tutikumanya kifuki iki uswe tukubombaga. Uswe tukwisa itolo nukwiyipa twibene. Ikyo kyo kindu kyene iki uswe tumenye ukubomba. Kangu Kyala ikubomba ifi fisyele ifya ikyene. Popápo ikyo kikutupela uswe ukuya bandu abakindane-mbubombelo fiyo.

<sup>3</sup> Ili siku limo, yumo alinkuti, “Umwe mumenye, mwe bandu umwe mu naloliloli nkindane.”

Une ndinkuti, “Ena, une—une ngusakikisya uswe tuli.”

<sup>4</sup> Kangu une ngukumbukila ku yimo mwa ngomano-ingulumba. Nkundwe Troy āmbulaga une akabalilo kamo isya muJeramani unnini uyu ātile umwene ālyambilile u losyo lwa Mbepo Mwikemo. Kangu ili siku ilikonge, ku lūka kuko umwene ābombága imbombo, umwene afyusyaga amaboko gake mmwanya nukuntufya u Ntwa, nukuyobela mu ndimi nukubukilila, ikitilisya. Kangu kubumalikisyo, u bwana alinkwisa pala nukuti, “Heini, ngimba kitamisye fiki na ugwe?”

<sup>5</sup> Umwene alinkuti, “O, une mbokigwe.” Umwene alinkuti, “Indumbula yangu yikutéka itolo nu buhofu.”

<sup>6</sup> Umwene alinkuti, “Ena, ugwe ubagile ukuti gwāli ni kibugutila kya manāti kūsi kula.”

<sup>7</sup> Umwene alinkuti, “Ena. Lwimiko kwa Kyala!” Alinkuti, “Ndaga Ntwa panongwa ya manāti.” Umwene alinkuti—umwene alinkuti, “Ugwe kwega iligáli, likusuluka pa nsebwe.” Alinkuti, “Ugwe ega gōsa a manāti ukufuma mu lyene, ugwe ukuya nakyo nakimo loli kikibuguyila kya ‘yanki.’” Kangu isyo itolo. . . Ikyene kyo kutalusya itolo, ugwe umenye.

<sup>8</sup> Ili siku limo, mu California, une nasulukaga mu ngindi sya Los Angeles, kangu une nalimbwene u nnyambala āli ni kimanyilo pa kipambaga kyāke, kangu *apa*. Kangu umwene ātile, “Une ne ntoyofu panongwa ya Kristi.” Kangu aligwesa ānketaga

umwene. Kangi une ndinkukétesya abene bikusyumbutuka ukusyungutila nukukéta, ukufuma pápo umwene ákisenie. Kangi une ndinkwinogona une ngukongesyaga na bosa ba abene. Kangi pa . . . panyuma pake, umwene átile, “Ngimba ugwe uli ntoyofu gwa ywani?” Ena. Une ngusakikisya twesa tuli nduko lwa bukindáne, yumo ku nnine, umwe mumenye.

<sup>9</sup> Loli, umwe mumenye, ikisu kikwisa ukuya mu mbufuluganike fiyo, mpaka ikindikimo ikihesya kikupela ikylene ukuya nkíndáne, mpaka abandu naloli bikwinogona ukuti ikylene kyo kimo kindukimo kisobi. Kangi bwila Kyala ikufimbilisigwa ukubomba akandukamo akasitakwisibiligwa fiyo, ukubagomosa abandu ku li Bangeli kangi.

<sup>10</sup> Une mbagile ukwinogonela ukuti Noa alu mu luko lumo i—i náti, ku ngulilo yasayansi iyi umwene álimo nu bumi, panongwa yakuti abene bábagile ukusisimikisya ukuti gakáliko amisi mmwanya mula. Loli Kyala áyobile ukuti gáliko gamo kula. Polelo, Noa, ikulumbilila kangi ukwitika kila, umwene alinkuya náti.

<sup>11</sup> Kangiune mbagile ukwinogonela ukuti akabalilo kako Mose ábukile ukusulukila mu Igupto, umwene ali mu luko lumo i—i náti, kwa Farao. Loli kumbukilaga, Farao áli náti, ku mwene, yópe. Polelo abene . . . Uswe tukusyagania isyo.

<sup>12</sup> Yópe Yeso ábikigwe ukuya gwamahelu. Uko ko kotalusya. Martin Luteri áli náti, ku kipanga kya Katolika. Kangi Yohani Wesley áli náti, ku ba Anglican. Polelo, umwe mumenye, akene ko—akene ko kafwene akabalilo aka náti uyungi. Ngimba umwe mutikwinogona bo ulo? Loli, bo yikáli ukuyako i náti, umwe mumenye, pala pikufimbilisigwa ukuyako unsumali, ikyakwanda, ukupinyililako ku yene.

<sup>13</sup> Polelo, umwe mumenye, Noa, ukuya yo náti, umwene . . . Ega i náti, iyene yikukwaba unsumali, yikukwaba i kindukimo palikimo, kangi yikukolelela i kindukimo palikimo. Polelo, Noa ábagisenie ukukwaba bosa aba bábagile ukwitika, mu ngalaba, ukusókako ku bulongi, ukwisila ukuya náti.

<sup>14</sup> Uswe tukusyagania, ukuti, Mōse ákwabile i kipanga ukufuma ku Igupto, ukwisila ukuya náti. Uko ko kotalusya.

<sup>15</sup> Une ngwinogona ukuti uswe tukulondigwa i náti, ukukwaba u Nsingiligwa ukufuma ku kipanga. Uswe tukulondigwa i kindukimo lilino, uyungi yumo, polelo uswe twe bandu ba luko ulukindáne fiyo. Kangi une ninogwíne, ikilo iki, linga u Ntwa itikisyaga, une ngugelaga ukubala a Masimbo gamo agakufwana na iki, kangi mbagile ukuyoba kwa umwe itolo utubalilo tuníni, nukugela ukubanangisya umwe fiki uswe twe luko lwa bandu abakindáne.

<sup>16</sup> Unko uswe tukusyumbutukile mu Masimbo lilino, ku Bafilipu untu gwa 2, 1-8, kangi Bakorinti Bakibili 3:6. Kangi unko uswe tubale, bo uswe tukwitika i Lisyu Iya Kyala.

17 Kangi lilino, bo uswe tukali itolo ukubala, unko uswe twinamisye i mitu gyitu ku lwiputo.

18 Gwaipyana Tāta Gwakumwanya, uswe naloli twe bandu ba lusako, ikilo iki, ukuti tuli nu bumi mu ngulilo iyi, kangi ukukéta i findu ifi fikubombigwa, kangi nukumanya ukuti akabalilo kali kifuki ukufwana, akabalilo kako Yeso isakwisilaga i Kipanga Kyake. O, ikyo kikukina i ndumbula syitu, Ntwa! Kangi akabalilo kako uswe tukukwabila kūnyuma amāni, ikilo iki, uswe tukwiputa ukuti Ugwe kutupaga uswe ubulinganio ukufuma ku lisimbo ili. Kangi Mbepo Mwikemo alisetulaga ku ndumbula syitu i findu ifi fibagile ukuya finunu kangi fyakuhobosya kwa Kyala. Kabuno uswe tukusuma ikyene mu Ngamu ya Yeso. Ameni.

19 Umwe mumenye, ngusubila une ngubasumaga umwe ukubomba i kindukimo. Une—une bwila ngulalusya utundu utuhesya, kangi une ngusubila une ndikusuma kalilkosa akahehya fiyo. Loli akabalilo kako uswe tukufumunya ubusubiligwe ku ndēmbela, uswe twesa tukwima. Kangi—kangi i ndēmbela yikukisania, uswe tukwima; iki, uswe tukwima. Kangi uswe tukwima, ukuponia. Unko uswe itolo twime pa malundi gitu akabalilo kako uswe tukubala i Lisyu, linga umwe mwiganile, Bakorinti Bakibili 3:6.

*Yuyo . . . atu tendike uswe babombi aba bābagile aba lwitikano ulupya; komma aba lisimbo, loli aba mbepo: kabuno i lisimbo likugoga, loli u mbepo ikupa u bumi.*

*Loli linga—loli linga u bubombelo bwa mfwa, busimbigwe kangi bung'waligwe pa mabwe, bwali bwalwimiko, ukuti abāna ba Israeli bakābagile ukukéta kabalilo-katali ikisyo kya Mōse panongwa ya lwimiko lwa kisyo kyake; ulu lo lwimiko ulu lwayaga pa kulekegwa:*

*Bo bulebule bwisa kusita kuyaga u bubombelo bwa mbepo fiyopo bwalwimiko?*

*Kabuno linga ububombelo bwa butāgigwe buyege bwalwimiko, uluko lwakukinda buyege ububombelo bwa bugolofu ukukindapo mu lwimiko.*

*Kabuno kyōpe kila iki kyāpeligwe kyalwimiko kikali nalo nalumo u lwimiko mu njila iyi, pa nongwa ya lwimiko ulu lukuponzola.*

*Kabuno linga kila iki kilekigwe kyali kyalwimiko, bule . . . pamo ukukinda fiyo kila iki kisyele kyalwimiko.*

*Ukusyagania polelo ukuti uswe tuli nu luko ulu ulwa lusubilo uswe tukubombela imbombo ubwapabwelu ubukulumba ubwa kayobelo.*

*Kangi komma bo Mōse, uyu ābikaga ingupililo pa kyeni kyake, ukuti abāna ba Israel bakābagile*

*ukukéta akabalilo katali iki kubumalikisyo kwake kyā kanisigwe:*

*Loli aminogonelo gabo galinkukingisigwa: kabuno mpaka na mwisyugu kisyelepo kilakila ikyakwingika kikasōsigwapo mu kubala kwa lwitikano ulukulu; iki kyo ngupililo iyi yilekigwe mwa Kristi.*

*Loli mópe na mwisiku ili, akabalilo kako Mōse ikubaligwa, ingupililo yili pa ndumbula syabo.*

*Loli akabalilo kako ikylene kisaku syumbutusigwaga kwa Ntwa, ingupililo yisakusōsigwapo. Komma . . .*

*Lilino u Ntwa yo Mbepo yula: kangi kuko u Mbepo gwa Ntwa aliko, kukuyako ubwabuke.*

*Loli uswe twesa, ni fisyo fīguke tukuketa ukuya bo mu ndalasi u lwimiko lwa Ntwa, ukusanukila ku ikifwani kilakila ukufuma ku lwimiko ukubuka ku lwimiko, mópe nu kwisila mwa Mbepo gwa Ntwa.*

<sup>20</sup> Kangi mwa Bafilipu 2, uswe tukubala iki, ukwanda na ga 1, kangu ububala mpaka ku ga 8.

*Linga—linga mubagile ukuyamo ulupembusyo mwa Kristi, linga ulupembesyo lulilosa ulwa lugano, . . . ululilanisi lulilosa lwa Mbepo, linga munda mulimosa mwa kisa,*

*Fwanikisya umwe ubwikyele bwangu, ukuti umwe muyege bāminogono-amafwane, ukuya nu lugano lulalula, ukuya mu lwitikano lumolwene, kangi aminogonelo gamogene.*

*Mungitikisyaga nakimo kibombigwege ukwisila mu kulwana pamo ulwitufyo; loli mu lwiuyufyo lwa minogonelo uno aligwesa amfuisyege uyūngi ukuya nnunupo ukukinda bene.*

*Ukukéta mma u mundu aligwesa pa findu fyake, loli u mundu aligwesa yópe pa . . . findu fya bāngi.*

*Itikisyaga ilinogonelo ili liyege pa umwe, ili lyópe lyāli mwa Kristi Yeso:*

*Yuyo, ukuya mbubumbigwe bwa Kyala, ālinogwine ikylene ukuya busitabuhiyi ukuya mfwanefwane na Kyala:*

*Loli ālipelile ukufuma mwa mwene ukuya nsitamfumuke, kangi alinkwega pa mwene ububumbigwe bwa gwantumwa, kangi apeligwe mu bufwane bwa bandu:*

*Kangi ukuya ālyagigwe mu bubonekelo bwa mundu, umwene alilāmbike mwene, kangi alinkuya gwakupilikila ku bufwe, yópe nu bufwe bwa pa kipingika.*

21 Unko uswe twipute.

22 Tāta Gwakumwanya, i Lisyu ilikulumba ili lilyo libāligwe, ikilo iki, ukufuma lu Lisyu Lyako Ilisimbigwe, lipelege Ilyene ukuya Iwanaloliloli fiyo ku ndumbula syitu, mpaka uswe tukubukaga ukufuma apa bo bala bābukaga ukufuma ku Emmaus, tuyobe, “Ngimba i ndumbula syitu sikāpyaga nkati mmyitu bo Umwene ayobaga kwa uswe mu njila mula?” Kabuno uswe tukusuma ikyene mu Ngamu ya Yeso. Amen.

Umwene mulitugasya.

23 Lilino, ili lyo lisimbo ilikindane fiyo, loli une ngwinogono ikyene kyo kyakufwana fiyo na kabalilo aka. Une nālonidaga ukuyoba pa kimanyisyo kya: *U Kyala Mwenemaka Akupuligwe Pankyeni Pa Uswē.*

24 Lilino, ukufumila pápo āliko u mundu, yāliko i njala mu ndumbula ya mundu, ukusyagania kũko umwene afumile, kangi inongwa yake yo fiki iya kuyila apa, kangi kũko umwene ikubuka. Kulipo ukwamula Kumokwene itolo ukuti, ukuti Yula yo Yuyo āntwéle umwene apa. Kangi u mundu bwila ālonidaga ukunketa Kyala.

25 Kunyuma ku Lwitikano Ulukũlu, uswe tukusyagania ukuti Kyala ikingaga Mwene ukufuma kubasitakwitika. Kyala ali ni njila ingindane fiyo iya kubombela na bandu. Umwene ikwifisa Mwene ukufuma ku basitakwitika kangi ikwisetula Mwene ku bitiki. Kyala ikubomba ikyo. Yeso alinkundagisya Tāta, ukuti, Umwene āfisile i findu ifi ukufuma ku bamahala na bakomu, kangi ābagile ukusetula Ikyene ku banike ku luko ulu lwābagile ukumanyila. Polelo, uswe tukusyagania ukuti Kyala atikusanukamo, nkayilo Kake, kangi Umwene bwila ikubomba imbombo Yake lulalula. Uswe tukusyagania, mwa Malaki 3, ukuti Umwene āyobile, “Une ne Kyala, kangi Une ndikusanukamo mma.” Polelo, Umwene ikubombela mu fundo silasila, akabalilo kosa.

26 Lilino uswe tukwega limo mwa mabuku amakulu ukukinda gosa aga li Bangeli. Akabalilo kako Yobu, yumo mwa bandu abagolofu ukukinda bosa aba lisiku lyake, u nnyambala umpelesye mu ndagilo sya Kyala, u gwambombo, ugwambombo umpaguligwa, unjindikigwa, mpaka yōpe Kyala alinkuti, “Akayapo nayumo bo umwene, nkisu.” Loli... ikinyonywo, akabalilo kamo, ukunkéta Kyala. Umwene āmenye ukuti āliko Kyala yumo, kangi umwene ipilikaga ukuti umwene ālonidaga ukunkéta Umwene, pamo, mu njila iyingi, ukubuka ku nyumba Yake nukukung’usya pa kifigo, nukuti, “Une ngulonda ukuyoba nu Ugwe.” Ukwitugasya pási, ukuyoba nu Mwene, mumo uswe tubagile pa twibene.

27 Uswe tulinako ukupilikisania. Iyo yo nongwa uswe tuli mu ngomano-ingulumba isi, kũko uswe tubagile ukwisa palikimo kangi—kangi ukwiyobela inyinogono syitu. Kangi—kangi uswe

tukupilikisania yumo ku nnine, kanunupo, akabalilo kako uswe tukuyoba i findu ukukilania kwa twibene. Kangi abalumbilili bikubomba ikyo. Abandu aba bwendelo bosa bwa bumi bikubomba ikylene, ukuyoba i findu fimalike.

<sup>28</sup> Kangi, Yobu, Kyala ali gwanaloliloli fiyo ku mwene, umwene alondaga ukusyagania linga umwene akābagile ukubuka, ukukumg'usya pa kifigo Kyake, kangi—kangi ukuya ni—ni kulalusania-amalalusyo nu Mwene.

<sup>29</sup> Loli uswe tukusyagania ukuti Kyala naloli āyobile ku mwene, loli Umwene ālikingile. Umwene ālikingile mbubumbigwa bwa kafulafumbi. Kangi Umwene ālimbulile u Yobu ukupinya imyenda mu nsana; Umwene āyaga pakuyoba kwa umwene, afwanege nnyambala. Kangi Umwene alinkusuluka pási mwa kafulafumbi kangi—kangi āyobile kwa Yobu. Kangi Umwene āfumusigwe kwa Yobu ukwisila mwa kafulafumbi, pópe umwene akālimbwene Umwene katikati. Umwene ābagile itolo ukupilika u mbelo gukupúta nu kusyungutila pala, mmipiki. Kangi i Lisyu lyālisile ukufuma mwa kafulafumbi, loli Kyala ālikupilile mwa kafulafumbi.

<sup>30</sup> Uswe tukwaga, kula ku Africa, South Africa, abene bikibombela imbombo i lisyu *amoyah*, ili likusanusya, “ubugute ubusita kuboneka.”

<sup>31</sup> Kangi u Bugute ubusitakuboneka ubu, mwa kafulafumbi, bwāli ni Lisyu ilipilikigwe. Ilyene lilinkuyoba panja pa Yobu, loli umwene akālimbwenemo ububumbigwe Bwake. Loli Umwene ākingisigwe, ku mwene, ukwisila mwa kafulafumbi.

<sup>32</sup> Uswe tukwaga yumoywene mwa basololi bakulumba ba li Bangeli, Mōse, ugwa Ndwitikano Ulukulu, yumo mwa babombi basaligwa, bapaguligwa, bamanyiligwe-nganila ba Kyala, umwene yópe ānyonyilwe ukumkéta Umwene. Umwene āli kifuki fiyo ku Mwene, kangi āketile i findi fingi fiyo ifya kiboko kyakubutitu Kwake kikubuka pa nkyene pa umwene kangi kikubomba i findu ifi Kyala mwene ābagile ukubomba. Umwene alinkunyonywa ukunketa Umwene i lisiku limo, kangi Kyala ālimbulile umwene, “Buka, ukime pa lyalabwe.”

<sup>33</sup> Kangi imile pa lyalabwe, Mōse alinkumbona Umwene ikukisania. Umwene āketile i nyuma ya Umwene. Kangi umwene alinkuti, “Ikyene kyabonekaga bo u nnyambala, inyuma ya nnyambala.” Pópe, umwene akālimbwene Kyala mma. Umwene āketile itolo ingupililo ya Kyala.

<sup>34</sup> Ili Bangeli lyāyobile, “Akayako u mundu uyu anketle Kyala pa kabalilo kamo kalikosa, loli yu mwene Umwagigwe gwa Tāta yo amfumwisye Umwene.” Polelo, Mōse alimbwene Umwene, akupililigwe, bo Nnyambala. Uswe tukwaga ukuti Yehova gwa Lwitikano Ulukūlu yo itolo Yeso gwa Lwitikano Ulupya.

<sup>35</sup> Kangi—kangi Dr. Scofield apa, uswe tukwaga ukuti, i lisyu lyake, ukusanuka ukufuma “ububumbigwe.” Uswe tukwaga i

lisyu *en morphe*, mu kiGriki, iki kikusanusya, “unsita kuboneka āpeligwe ukuya gwakuboneka.” Ikindukimo iki kikabagila . . . Uswe tumenye ikyene kiliko. Ikyene kibagile ukuya . . . kibagila ukukétigwa, loli pópe uswe tumenye ukuti ikyene kiliko. Kangi akabalilo kako Umwene āsanwisye ububumbigwe Bwake, ubwa *en morphe*, iki kukusanusya ukuti Umwene āsanwike ukufuma ku kikindakipeligwa ukuya ku kipeligwa.

<sup>36</sup> Kangi Umwene itolo asanwisye ikikingo Kyake, mu njila iyingi, ikyene kikufwana lukino. Umwene akinaga. Kangi mu kiGriki, akabalilo kako abene basanusyaga ikikingo kyabo, lumo yumo unkina- . . . unkinu yumoywene abagile ukukina ntuyabo twingi utukindakindane.

<sup>37</sup> Kangi u mwanangu undindwana, alipo apa, abene itolo bāli ku sukulu yabo iyapamwanyapo, nu—nu lukino. Kangi u ndumiana yumo uyu une nkummenye, ākinile ifiyabo ukufwana fina, loli umwene ābukaga ku nyuma kwa kigemo nukwakanusya ikyake—ikyake ikikingo, ukuti umwene asōke panja, ukuya mundu uyungu mbwikalilo.

<sup>38</sup> Lilino, linga ugwe kwegaga ubusololi bwa Lwitikano Ulukūlu ukufwana na iki Mesiya āyaga pakuya, ugwe ubagile ukufwanikisania ikyene nu bumi bwa Yeso, kangi ugwe ukuyagile ikyene katikati iki Yeso āli. Umwene akāli itolo mundu aligwesa mma. Umwene āli Kyala, *en morphe*. Umwene asanusigwe ukufuma—ukufuma ku kikinde-fipeligwa ukubuka mu bubumbigwe bwakipeligwa ubwa Nnyambala. Pópe, Umwene āli Kyala, abonekile mu mbili, akupililigwe nu bundu, ingupili ya mbili.

Kangi umwe ketesya i Lwitikano Ulukulu.

<sup>39</sup> Une—une—une mmenye ukuti une nguyoba ku kilundilo ikufuluganikane, ikilo iki, ukufuma ku fiyabo ifikindane ifya kisu kya pasi. Kangi uswe tuli apa ukusyagania. Ngimba uswe twe ba ywani—ngima uswe tubomba fiki? Ngimba twe fiki—twe fiku uswe? Ngimba ko kugu uswe tukubuka? Ngimba fiki fikubomigwa? Ngimba fyosa ifi fikusanusya fiki?

<sup>40</sup> Kangi lilino uswe tukwaga, muno, linga umwe banyambala na bakikulu ba kiYuda, kangi aba rabbi mu—mu—mu tempeli, mmasiku aga gakindile, linga abene baketēsise ili Bangeli, ubusololi, mbuyo bwa nyiho, angali abene basyagenie ukuti Yeso āli ywani. Abene angali bakānkolelamo siku Umwene ukuya Belezababu. Abene angali bakānkomelélamo siku Umwene. Loli, ikyene kilinkufimbilisigwa ukukinigwa mosa. Kila kyo kiyabo kya lukino. Kangi abene bākupililigwe, pa nongwa iyi.

<sup>41</sup> Ikyene kifwene bo umwe banyambala, bakikulu, apa ikilo iki, lumo ubukusi bwangu pamo mwe bakusipo ukukinda panandi. Umwe mukukumbukila, muno mwa America, ifyinja ifi fikindilepo, bo bākali . . . Aba kiChina . . . Unkundwe gwangu, uyu itolo āfumusyaga apa, ikyo kisile itolo pa minogonelo

gangu akabalilo kako une nāyobaga kwa umwene. Mumo fikuti abene bālisibile uku. . . Abene bātologwaga ukuyoba iKisungu, kangi abene—abene bendesyaga kubusukilo-imyenda. Kangi ugwe gwābukaga kubusukilo-imyenda kwake, ukuti ukasuke imyenda gyako. Aba—aba nyambala basuka-myenda ba kiChina begaga akakalatasi, kangi bakalepulaga akene mu njila yimo. Ugwe kwegga akayabo kamokene ka kakalatasi; umwene egaga akayabo akangi. Loli akabalilo kako ugwe kwisa ukugomokela ukwegga ifyako, utuyabo twa kakalatasi tula twafimbilisigwaga ukukwingilana bo nswigala gwa ngungubiya. Kangi linga utwene twatologwaga ukwingilana bo nswigala gwa ngungubiya itolo katikati kanunu. . . Ugwe ukābagile ukwegelela akene mu njila yiliyosa, 'nongwa yakuti umwene āli na kayabo kamokene kangi ugwe gwāli na kangi. Kangi linga akene kāli kākwegelela. . . Polelo ugwe gwāli nu bwabuke ukwegga iki kyāli kyako. Kangi polelo ugwe gwegaga iki kyāli kyako ugwe, akabalilo kako ugwe gwāli nako akayabo akangi ka lwitikano.

<sup>42</sup> Polelo mo siyilile, ikilo iki, akabalilo kako uswe tulinako akayabo akangi ka lwitikano. Akabalilo kako, Kyala ālepwile u Mwanundumiana Gwake pa bili, ku Kalvari, ukwegga umbili panongwa ya Ikemo, kangi ukutuma u Mbepo pāsi kwa uswe, uyu akabalilo kamo āli nu bumi mwa Nnyambala, Yeso. Yulayula u Kyala yo ali mu ngupililo ikilo iki, mbubumbigwe bwa Mbepo Mwikemo. Utuyabo tubili tula tukufimbilisigwa ukwisa palikimo, polelo ugwe uli kiyabo kya lwitikano. Kyala ābombile iki, ukuti kimanyigwe kanunupo ku mundu, akabalilo kako Umwene alipelile Mwene Nnyambala.

<sup>43</sup> Une nābalaga akapango, ifyinja fimo ifi fikindilepo. Kangi mu kapango aka, akene kātīle u mwalafyale unkulumba, umpaguligwa. . . Une ngwibwa ingamu ya mwene, itolo lilino. Une ngālinogwine isya kuyobapo isya kapango. Akene, lumu, kakwata, loli akene kakututwala uswe ku fundi iyi yikutupa uswe u lwalo pa iki uswe tukulonda ukuyoba. U mwalafyale uyu, umwene āli mwalafyale mpaguligwa fiyo, kangi ungana gwa luko lumu gwa bandu bake, mpaka, i lisiku limo, pankyene pa gwake—gwake unsikali na babunyafyale, umwene alinkuti, “Umwisyugu, umwe mukumbona une ku kabalilo ka bumalikiso, ku fyinja fingi.”

<sup>44</sup> Kangi unsikali gwake na makambala gake balinkuyoba kwa umwene, “Mwalafyale nnunu, fiki ugwe kuyoba ikyo? Ngimba ugwe kubuka ku kisu ikyapanja, kubuyo bumo, ukwakuya nhesya?”

<sup>45</sup> Umwene alinkuti, “Umma. Une ngwitugasyaga papapa apa. Ena,” alinkuti, “une ngubuka panja pakati pa bandu bangu. Une ngubukaga ukwakuya ndimi. Une ngubukaga ukwakutumula imbabu na batumula mbabu. Une ngubuka uku—uku lima ikisu nu gwakusukulika. Une ngubuka ukwakusengelela amafilu na bala babo bikusengelela amafilu. Une ngubukaga ukuya



yumo gwa bene, ukuti une ngamanyane kanunupo na iki abene bikubomba. Kangi une mbaganile abene. Kangi une ngulonda ukumanyana fiyopo na bene, mundu nu mundu. Abene batisakumanya une. Loli, pópe, une ngulonda ukumanyana na bene, mu njila yila.”

<sup>46</sup> Kangi ulubunju lwa kilabo, akabalilo kako ababombi bake, abandu bake bosa bālinkumbona umwene, pamo aba bāli nnyumba ya bunyafyale, ikufūla ingiga yake nukuyibika pási pa mwanya pa kikota, i kikota kya bunyafyale; kangi ukufūla unselekesye, nukufwala imyenda ya balimi, ukwenda panja pakati pa bandu balibosa.

Lilino, nkapango akanini kala, uswe tukusyagania pala ukufwana na Kyala.

<sup>47</sup> Abene balinkuyoba kwa mwalafyale, balinkuti, “Mwalafyale, uswe tukukulonda ugwe. Uswe tukuganile ugwe. Uswe—uswe tukulonda ugwe ukindililege ukuya mwalafyale.” Loli umwene ālondaga ukuya yumo mwa bene, ukubamanya abene kanunupo, ukuti abene babagile ukumanya umwene kanunupo, naloliloli iki umwene āli. Ikyene kyayaga pakubonesya ku bene iki umwene naloliloli āli.

<sup>48</sup> Kangi ikyo kyo iki Kyala ābombile. Umwene—Umwene alinkwisanusya Mwene, ukufuma ukuya Yehova Kyala, ukuya yumo mwa uswe, ukuti Umwene abāgile ukukubilwa, Umwene abagile ukonja ubufwe, Umwene abagile ukumanya iki ubulume bwa bufwe bwāli, nukwega ulufundo lwa bufwe pa Mwene. Umwene alinkuleka pa lubafu i Yake—Yake ingiga nu nselekesye Gwake, nukuya yumo gwa uswe. Umwene āsukaga amalundi palikimo na—palikimo—na bāpási. Umwene itugasyaga mfitembe, na balondo. Umwene āgonaga mu—mu matengele kangi mu ngindi, na babo aba bakālinulusako. Umwene alinkuya yumo gwa uswe, ukuti Umwene abagile ukutupilikisya uswe kanunupo, kangi ukuti uswe tubagile ukumpilikisya Umwene kanunupo.

<sup>49</sup> Lilino, une ngwinogona, mu kala, uswe tukusyagania, ukusanuka, Mwene, iki Umwene ābombile. Linga umwe mukuketesya, Umwene ālisile mu ngamu ya bāna balumiana batatu. Umwene ālisile mu ngamu ya Mwanundumiana gwa mundu, kangi mu ngamu ya Mwanundumiana gwa Kyala, kangi u Mwanundumiana gwa Davidi. Umwene alinkuya Mwanundumiana gwa mundu.

<sup>50</sup> Lilino, mwa Ezekieli 2:3, Yehova, Mwene, ālinkolile Ezekieli, u nsololi, “u mwanundumiana gwa mundu.”

<sup>51</sup> *Mwanundumiana gwa mundu* kikusanusya “u nsololi.” Umwene aafimbilisigwaga ukwisa mu njila yila, ukufwanikisya Kukumbusya—indagilo 18:15, kikyo Mōse āyobile, “Untwa Kyala gwinu isakufyusya u nsololi afwanikisigwe bo une.” Umwene akālikōlilēmo Mwene siku ukuya Mwanundumiana gwa Kyala.

Umwene ikölelaga Mwene, “u Mwanundumiana gwa mundu,” panongwa yakuti Umwene äbagisenie ukwisa ukufwana ni Lisimbo. Muketile? Umwene afimbilisigwaga ukutendeka utuyabo tubili tula utwa tukalatasi utulepuligwe, ubusololi bwa Lwitikano Ulukulu nu lwiho Lwake Mwene, ukuya katikati fifwanefwane. Polelo, Umwene älisile, u Mwanundumiana gwa mundu, ukwisa mbubumbigwe bula.

<sup>52</sup> Popápo uswe tukwaga, ukufwa pa bufwe Bwake, ukusyiligwa, nu busyüke, Umwene älisile pi Siku lya Pentekosti, ukuya Mwanundumiana gwa Kyala; Kyala, u Mbepo, mbubumbigwe, Mbepo Mwikemo. Ngimba Umwene äbombaga fiki? Umwene isanusyaga Mwene, ukwipela Mwene ukumanyigwa ku bandu Bake nduko ulungi. Bo, u Mbepo Mwikemo, uyu yo Kyala, Umwene älisile ukubombela mu ngulilo ya kipanga, ukuya Mwanundumiana gwa Kyala, u Mbepo Mwikemo.

<sup>53</sup> Loli, mu Fyinj’elifu, Umwene ikwisa ukuya Mwanundumiana gwa David, ukwitugasya pa kikota kya Davidi, Mwalafyale. Umwene äyaga pakwegga i kikota kya Davidi. Umwene ali pa kikota kya Tâta lilino. Kangi popápa Umwene alinkuti, “Yuyo uyu ikuponjola isakwikala na Une nkikota Kyangu, mumo Une mbonjwile kangi nitugesye mu kikota kya Tâta Gwangu.” Polelo, Umwene, mu Fyinj’elifu, Umwene isakuyaga Mwanundumiana gwa Davidi. Ngimbi kyo fiki ikylene? U Kyala yulayula, akabalilo kosa, ikusanusya itolo i Kyake—ikyakwikinga Kyake.

Une ne, kwa nkasi gwangu, ndume.

<sup>54</sup> Ngimba umwe muketesisye? U nkikulu gwa ki Syrofinicia äyobile, “Ugwe gwe Mwanundumiana gwa Davidi, yaga ni kisa.” Umwene, kikalintamisyemo siku Umwene, na panandi. Umwene akâli nu bwabuke nabumo ukunkolela Umwene ikyo. Umwene akâli bwenenabo nabumo pa Mwene ukuya Mwanundumiana gwa Davidi. Umwene äli. . . Umwene yo Mwanundumiana gwa Davidi, ku ba Yuda. Kangi lilino Umwene isile. . . Loli akabalilo kako umwene alinkölile Umwene, “Ntwa,” Umwene äli Ntwa gwake, popápo umwene alinkufyaga ifi umwene äsumile.

Lilino, ukuya, Umwene ikwisanusya itolo Mwene.

<sup>55</sup> Lilino, mu nyumba yangu, une ndi bandu batatu abakindane. Mu nyumba yangu, unkasi gwangu ali nu bwenenabo pa une ukuya ndume. U mwanundindwana gwangu panja pala, umwene akaya nabo ubwenenabo pa une ukuya ndume; une ne tâta gwake. Kangi akisukulu akangu akanini pala, une ne mbuya ku mwene, polelo umwene akaya nabo ubwabuke ukungölela une tâta. Une ngaya tâta gwake mma. U mwanundumiana gwangu yo tâta gwake. Une ne mbuya gwake. Loli une ngâli nnyambala yulayula.

<sup>56</sup> Kangi Kyala, iki Umwene ikubomba, Umwene itolo ikwisanusya Mwene, ukuya ku ngulilo yila, ukwimanyisya Mwene ku bandu bala. Kangi isyo syo uswe tuli apa ukusyagania, ikilo iki. Mu njilanki iyi u Kyala abagisenie ukwipela Mwene amanyigwege ku bandu bake kangi nkabalilo aka? Umwene ikusanusya ikíkingo Kyake, Umwene ikusanusya ukukina Kwake, loli Umwene atikusanusya u lwiho Lwake mma. Umwene atikusanusya u Bwake—ubupeligwe Bwake. Umwene itolo ikusanusya ikíkingo Kyake, ukufuma ku kimo ukubuku ku kingi. Umwene ikubomba ikyene, ukwisetula Mwene pabwelopo ku bandu, ukuti abene babágile ukumanya ukuti yo ywani Umwene, kangi iki Umwene ali.

<sup>57</sup> Mu Bahiburi 1, uswe tukubala, “Kyala ntubalilo utukindanekindane mu njila ingindakindane alinkuyoba ku ba tata, ukwisila mbasololi, loli mmasiku gabumalikisyo ukwisila mwa Mwanundumiana Gwake, Yeso.”

<sup>58</sup> Lilino, “Abasololi,” Yeso alinkuyoba, akabalilo kako Umwene ali apa pa kisu, “abene bāli bakyala. Umwe mukabakōlela abene ‘bakyala,’ aba i Lisyu lya Kyala lyālisileko. Kangi a Masimbo gakabágila ukubongotoligwa,” Umwene alinkuyoba. Alinkuti, “Ngimba ugwe ubagile bulebule ukunhelula Umwene polelo, akabalilo kako Umwene yo Mwanundumiana gwa Kyala?” Muketile?

<sup>59</sup> I Lisyu lya Kyala liyabiligwe ku ngulilo yiliyosa, iki Ilyene libagilile ukuya. Kangi Yeso āli yo kufwanikisigwa kwa busololi bosa. “Mwa Umwene mwitugasyaga ubwisusye bwa Bwakyala mu mbili.” Ikyene kyāli Umwene. Umwene āli yo Yula yuyo āli mwa Yosefu. Umwene āli yo Yula Uyu āli mwa Eliya. Umwene āli yo Yula Uyu āli mwa Mōse. Umwene āli yo Yula Uyu āli mwa Davidi, u mwalafyale unkānigwe.

<sup>60</sup> Abandu bake bene bālinkanile umwene, ukuya mwalafyale. Kangi bo umwene āsōkaga ukufuma—ukufuma mu lubingilo lwa bulongi, u mwinitu unnini, unkomeligwe—pasi ikwafala ukusyungutila, akābuganile ubwake—ubulagili bwake, ulubatiko bwake, kangi umwene alinkufunyila amata pa mwene. Kangi unsikale gwake alinkukwaba ubupanga bwake, alinkuti, “Ngimba une ngugulekaga untu gwa imbwa yila pa mwene, ikufunyila pa mwalafyale gwangu?”

<sup>61</sup> Kangi u Davidi, lumo atikusyagania isi umwene ābombaga akabalilo kala, loli umwene ālyoneleligwe. Kangi umwene alinkuti, “Ndeke umwene pamwene. Kyala ambulile umwene ukubomba iki.” Kangi umwene alinkufyuka pa kām̄ba nukukūtila pa Yerusalemu, u mwalafyale unkanigwe.

<sup>62</sup> Ngimba umwe mwaketesise? Ifyinja abamia banini ukufuma pala, u Mwanundumiana gwa Davidi ukufunyligwa, mu ngīndi, kangi āli pa kām̄ba, a kām̄ba kalakala, ukuketela pási pa Yerusalemu, u Mwalafyale unkanigwe. Kangi alinkukūta,

“Yerusalemu, kalinga Une angali ngubatile pa mwanya pa ugwe bo yi nguku yābombile pa twāna twāke, loli ugwe ukālonḁaga mma!”

<sup>63</sup> Umwene atikusanusyamo siku ubupeligwa Bwake, ’nongwa yakuti Bahiburi 13:8 ātile, “Umwene yo yulayula mmayolo, umwisyugu, na bwilanabwila.” Kyala āli mu mbili, ukuti afwe, ukututabula uswe ukufuma ku butulwanongwa. Iyo yo nongwa Umwene alinkwisanusya Mwene, ukuya u—u Mundu.

<sup>64</sup> Uswe tukuketa, mwa Mwikemo Yohani 12:20, aba kiGriki bāpilike isya Umwene. Lilino, akayapo u mundu abagile ukupilika isya Umwene pene pāpo indumbula syabo sikupya ukunketa Umwene. Bo yu Yobu na basololi baiyolo, abene bosa bālonḁaga ukunketa Umwene. Popāpo, ugwa kiGriki uyu ālisile ku Mwene. Abene bālisile kwa Filipu, uyu āli gwa ku Bethsaida, alinkuti, “Nkulumba, uswe tukulonda ukumbona Yeso.”

<sup>65</sup> Aba kiGriki bālonḁaga ukumbona Umwene, loli abene balinkutologwa ukumbona Umwene panongwa yakuti Umwene āli mu tempeli nu bundu Bwake. “Kyala āli mwa Kristi, ukusayana i kisu ku Mwene.” Lilino uswe tukwaga ukuti, mu iki, aba kiGriki aba balinkutoligwa ukumbona Umwene.

<sup>66</sup> Kangi ketesya ga masyu galagala aga Yeso āyobile ku bene, ukufuma pala. Umwene ātile, “Pene pāpo imbeyu ya ngano yikugwa mu mfu, yikufwa, iyene yikwitugasya payene.” Mmasyu agangi, abene bakābagilēmo siku ukumbona Umwene mbwisanusye, mu kyakwikinga iki Umwene ālimo akabalilo kala, panongwa yakuti Umwene ākupililigwe mu mbili gwa bundu. Loli akabalilo kako ikilombe kya Ngano iki kyāgwilile mu mfu, popāpa Ikyene kisakūsōsyaga panja u luko losa. Umwene ātumigwe ku ba Yuda, ena, akabalilo kala. Loli ikilombe kya Ngano iki kikufimbilisigwa ukugwa; kyākupilile Kyala, mu mbili gwa bundu, kifisigwe ukufuma ku basitakwitika, loli kikusetuligwa ku bitiki.

<sup>67</sup> Mwa Yohani 1, “Ku bwandilo kwāli Lisyu, kangi u Lisyu āli na Kyala, kangi Lisyu āli Kyala. Kangi u Lisyu āpeligwe mbili, kangi alinkwitugasya pakati pa uswe, kangi uswe tulinkumbona Umwene, u Mpapigwe ntiga ugwa Tāta, iswile ni lipyana.” Lilino, ku bwandilo lyaliko i Lisyu. I Lisyu lyo linogono liyobigwe.

<sup>68</sup> Pa bwandilo, Umwene akāli nukuya yo Kyala mma. Lilino, i lisyu lya Kingereza umwisyugu, *Kyala*, kokuti “ikundu kwa kwiputila.” Mumo ikyene kikufulugania aminogonelo. Ugwe ubagile ukumpela ymo ukuya kyala. Ugwe ubagile ukukupela kilikyosa ukuya kyala.

<sup>69</sup> Loli mu Lwitikano Ulukūlu, mwa Bwandilo 1, “Ku bwandilo *Kyala*,” i lisyu libombeligwe imbombo, Elohim. *Elohim* yikusanusya, “Yula unjapo-pamwene.” Ko kukindana

kuki i lisyu Elohim likuya, ku lisyu lyitu Kyala. *Elohim* yikusanusya, “Yula unjapo-pamwene.”

<sup>70</sup> Uswe tukabagile ukuya bayapo-patwibene mma. Uswe tukabagile ukuya ba mwenemaka, ba makagosa, bayapo-paliposa, bamanyafyosa. U Elohim yula ikuyobela mu fyosa ifyo. Uswe tukabagila ukuya ikyo. U mpiki ugu ugwe kutendeka u kyala ukufuma kugwene, pamo i—pamo i nyumba, ikylene kikaya kyakuyapo-pakyene.

<sup>71</sup> Polelo, Kyala, ku bwandilo, āli Bumi, u Gwasyepwa Yula. Mwa Umwene mwāli ifyakumbagilila, kangī ifyakumbagilila fila filinkuya Masyu, kangī i Lisyu lilinkuya mbili. Yeso āli yo Ntabuli. Kangī uku *tabula*, kukusanusya, “uku gomokesya.” Linga Umwene ikufimobilisigwa ukugomokesya, ikylene kokuti kyāli pa buyo bumo apakuti kigomokesyelepo. Polelo, umwe muketile, abandu bosa batisakukibonamo ikylene siku, panongwa yakuti abandu bosa bakāliko ku bwandilo mminogono ga Kyala. Muketile?

<sup>72</sup> Kēta ku bapūti. Akabalilo kako abene bikunketa Umwene īlingenie Mwene katikati ni Lisyu, iki Umwene āli, abene balinkuti, “Ikyene kyo Belezebabu.” Kila kyānangisye kūko ubupeligwa bwābo bwāli. Ubwene bwāli bwa minogono ga bwigufu bwa lisiku lila.

<sup>73</sup> Loli akabalilo kako akahūle akanini, aka Umwene ālyagene pa kipata, nukukabula akene, alīlingenie ikimanyilo Kyake ikyabumesiya, mukwisila ukukabula akene iki akene kābombile. “Fiki,” umwene alinkuti, “Nkulumba, une mmenye ukuti Ugwe gwe Nsololi. Uswe tumenye, u Mesiya, akabalilo kako Umwene ikwisa, Umwene isakutubulaga uswe i findu fyosa ifi.” Umwene āmwaganiaga Umwene ukuya Mesiya, umpakigwa Yula, panongwa yakuti Umwene āfwanikīsyē ifyakubagilila fya Lisimbo. Ngimba umwe mutikukibona ikylene? Utuyabo tubili utwa kakalatasi twisaga palikimo. Umwene, “Uswe tumenye ukuti, akabalilo kako Mesiya ikwisa.”

<sup>74</sup> Lilino, Kyala lumo afimobilisigwaga ukongania *iki* na *ikyo*, ukuya nako kamo aka kube ka libangala, bo bu bubumbe. Loli akabalilo kako Yeso āsyumbutwike, alinkuti, “Une yo Mwene uyu ikuyoba na ugwe,” kukālipo nu luko lumo ulwa bulinganio bo bwa “Belezebabu.” Umwene alinkuyileka i ndeko ya misi yake, ukubopela nkāya, nukuyoba, “Isaga, nketa u Nnyambala Uyu āmbulīle une i findu ifi une mbombile. Ngimba Uyu akaya yo yu Mesiya yuyo?” Muketile?

<sup>75</sup> Lilino, ngimba iki kyo fiki? Ukubika i Lisimbo lyaiyolo nu kwendelamo kūko—kūko Yeso āmpaga umwene, ngimba ikylene kyābombile fiki? Ikyene kyapelile Mesiya. Kangī ngimba umwe mwaketesisye? Nakalinga, imbibi syake syahobokeligwe, panongwa yakuti, ku bwandilo, umwene āli ntabuligwe, panongwa yakuti umwene āli minogonelo ga Kyala ku

bwandilo. Polelo, ikyene kilinkuntabula umwene, pamo ukungomokesya umwene, akabalilo kako umwene alibwene i Lisimbo ilinganisigwe libonesigwe, ilya Yehova, iki Umwene āli, iki Umwene ali.

<sup>76</sup> Lilino, akabalilo kako Yeso isile, linga Umwene ālisile ni ndumi ya Noa, angali ikyene kikabomba imbombo mma. Ukuyenga i ngalaba, nukwelela panja, angali ikyene kikabomba imbombo mma. Loli ukuti Noa āli kiyabo kya Kyala. Umwene ābombīle mu njila ĩnswigisye panongwa yakuti umwene āli nswigisye, kangī i ndumi yake yāli nswigisye panongwa yakuti i Lisyu likutendeka ukwibonesya.

<sup>77</sup> Umwene akābagīle ukwisa ni ndumi ya Mōse, panongwa yakuti ikyene angali kikabomba imbombo mma. Mōse āli Kyala, mu kiyabo, itendike ukwibonesya. Umwene āli lisyu lilinganisigwe ku sala yila, loli Yeso akābagīle ukwisa mu kila. Ili Bangeli likāyobilēmo siku Umwene ikwisaga mu njila yila.

<sup>78</sup> Loli akabalilo kako Umwene isaga, alinkulingania katikati mumo u—u Lwitikano lwāyobīle Umwene ikulinganisigwaga, polelo bosa aba bāli batabuligwe balinkwitika Ilyene, panongwa yakuti abene bāli mminogono ga Kyala. Ifyakubagilila fya Umwene ku bwandilo, fyatendekigwe mbili, kangī fitabuligwe, kangī filinkugomosigwa kwa Kyala. “Na bu bwingi bwa aba balimmwambilile Umwene, ku bene alinkubapa Umwene amaka ukuya bāna ba Kyala,” panongwa yakuti abene bāli batabuligwa. Abene bāli ukufuma ku bwandilo, mbulinganie.

<sup>79</sup> Linga uswe tubagile ukwima apa pa kabalilo, linga ikyene kyakubombigwa, nukwinogona isya ikyo, ikilo iki, isya Ndumi ya sala iyi, aminogona amalinganisigwe aga Yehova. “Bo u lwalo lwa kisu lukayako,” uswe tubūligwe, “ingamu syitu syābikigwe pā Būku gwa Kang’osi uwa Bumi.” Polelo uswe tubagile ukusibona imbafu sibili syosa, mumo une njōbīle pakwanda, fiki yumo ikuya nkīndāne ku nnine. Ikyene kikufimobilisigwa ukuya injila yila. Ikyene bwila kyāli. Ikyene bwila kyāli njila yila, kangī ikyene bwila kikuyaga injila yila. “Umwene āli yo Lisyu. Kangī i Lisyu lyapelīgwe ukuya mbili kangī nukwitugasya pakati pitu.”

<sup>80</sup> Lilino, Kyala, mu...ku nyuma mmasiku ga Lwitikano Ulukūlu, uswe tukwaga ukuti ukufuma pāpo Umwene ābonekile ku bandu Bake, mbubumbigwe ubukindanekindane, Umwene ikupililaga Mwene kunyuma kwa fipapa ifyaiyolo ifyafinyamana. Kyala ikwifisa mwene kunyuma ku fipapa fyafinyamana, ku kikota Kyake ikyākisa. Uswe tukwaga ukuti, mumo fikuti Solomoni, akabalilo kako umwene asayege i tempeli ya Ntwa, kangī ifipapa fyafinyamana ifi fyapayikigwe pala, ikikīngo, mumo fikuti Umwene ālisile mu Mbanda ya Moto kangī ukuya Libingo, kangī ukusuluka pāsi kunyuma kula, nukwikupilila Mwene, ku kisu kya pānja. Loli, nu lwitiko, Israeli āmenye ukuti Umwene āli kunyuma kula. Abene bāmenye

Umwene āli kula, kisitakupasya iki filifyosa ifisu fya bāpanja fyabagisenie ukuyoba. Umwene ākupililigwe ukufuma ku basitakwitika. Loli u mwitiki, nu lwitiko, umwene āmenye ukuti Umwene āli kunyuma kula. Abene bāli ni kisa. Kangi Umwene āli pa kikota Kyake ikyākisa, kikyo kyāli kifigwa kikulumba.

<sup>81</sup> Umwe mumenye, mu Lwitikano Ulukūlu, ukwingila ku nyuma ku kipapa kila yāli bufwe. Lilino ukwitugasya kubutali na kunyuma kwa ikylene bo bufwe. Lula ukwingila mu Lwimiko Lwake kwāli bufwe. Lilino ukwitugasya kubutali nu Lwimiko Lwake bo bufwe. Kila kyābonike, ena, pa bulepule bwa kikīngo pa Kalvari, akabalilo kako ikikīngo kyālepuligwe, ikikīngo ikyaiyolo. Lilino ukwitugasya panja pa Kuyapo Kwake bo bufwe. Lula ukwingila mu Kuyapo Kwake kwāli bufwe. Muketile? Ikyene kikusanuka ukubuka nu kwisa, kangi ugwe kufimbilisigwa ukulyaga i Lisimbo ukukéta lyo lisiku liki uswe tulimo nu bumi.

<sup>82</sup> Lilino, akabalilo kako ikikīngo kyālepuligwe pa Kalvari, ikikota kyākisa kilinkwisa mbukétigwe bwapabwelu. (Loli ngimba fiki fyabonike? Ikyene kyāpayikigwe pa Kalvari, kikōnekela mu Lilopa.) Mumo abene bālyegile i lilopa, ikyinja ukufuma pa kyinja, ku busuke bwa mbuyo-bwikemo kangi ukunyahila kwa kikota kyākisa, pala, Kyala, na maka Gake amakulumba agamaka ga lutike lwa kitayataya, kilinkutapulania ikikīngo ikyaiyolo ikyafinyamana ukufuma pamwanya mpaka pási, kangi ikikota kyākisa kinkuya kubonekela pabwelu.

<sup>83</sup> U Kang'osi gwa Kyala ugwanololi, ugwanalolili āpayikigwe mbubonekelo bwa pabwelu pa Kalvari, i Kikota Kyākisa ikyanaloliloli, akabalilo kako Kyala āhobimbile u ntengo, Mwene; nukwisa ukuya yumo na uswe, kangi nukwibonesya Mwene ukuya Mundu, ukumanyana na uswe, kangi uswe ukumanyana na yu Mwene. I Kikota Kyākisa kyāli mbubonekelo bwa pabwelu bwa ba Israeli bosa pisiku lila ilya Butabulo.

<sup>84</sup> Loli, aheli, inyiho sya batāta ba kipanga mu lisiku lila bāli nasyo, ukwisila mu nyiho syābo, syākupilile i Kikota Kyākisa ikyabwanaloli ukufuma ku bandu. Linga abene bābagile ukumanya i Lisimbo, akayabo kalikosa angali kisile palikimo bo kakalatasi ka kiChina. Ubusololi bwa Lwitikano Ulukūlu angali bufwanikisigwe, kangi ubwene bwāli. Kangi linga abene bamanyisigwe i Lisimbo, abene angali bambwene u Kikota Kyākisa. “Mumo Mōse,” liyobile apa, ukuti, “mpaka i lisiku ili, abene bakupililigwe. Ikyene kikāli kili pa ndumbula syabo.” Abene batikulibona Ilyene.

<sup>85</sup> Loli, Umwene āli Kyala, ukukubilwa nu Butabulo. Umwene āli yo Kikota Kyākisa gwanaloli imile mbubonekelo bwapabwelu. Mumo uswe twimbile ulwimbo:

Kéta! Nkéte Umwene mbubonekelo  
 bwapabwelu,  
 Pala alipo Umwene, u Mponjoli Gwamaka,  
 Kabuno Umwene álepwiile ikikíngo pabili.

<sup>86</sup> Muketile, Umwene álisile, u Kikota Kyákisa, apayikígwe mbubonekelo ubwapabwelu ubwa kilundilo. Loli abene, ukuya pási pa fundo ya bandu . . .

<sup>87</sup> Lilino, banyambala na bakikulu, bayapo ba lukomano-lukulumba ulu, une ngulonda ukuyoba iki kisita kuyindika u mundu yumo. Loli, mbubonelo bwa mwisyugu, mbubonelo bwa iki uswe tuli apa umwisyugu, une ngutula ukuti inyiho sya batáta, abatáta ba kipanga, sifisile Iki ukufuma ku bandu bingi fiyo. Ukufuma pápo Mbepo Mwikemo isile mmasiku agabumalikisyo, mumo syásololigwe, kangi ikikíngo kilepuligwe, abandu bingi fiyo bikugela ukwipayika ku nyiho sya batáta. Kangi iyo yo nongwa abene bakábagíla ukukéta ubuhofu ubukinde, kangi ulutengano, ni findu ifi i Kipanga kilinafyo umwisyugu. Ena, Ilyene lili mbubonekelo bwapabwelu ku bala bábo bikwitika.

Umwene álifisile i Lisyu, i Lisyu ilifingigwe ilwa lisu ili.

<sup>88</sup> Lilino, inyiho sipelile ikikíngo. Abene bikuyoba ukuti amasiku ga fiswigisyo gakindile. U nnyambala yumo áyobile kwa une, u nnunu, unnyambala gwalwiho mu Tucson, Arizona, kuko une ngwitugasya. Une náli nu lukomano ku Ramada. Kangi uswe twayobaga ku Lukomano lwa Banyámbála Babiashara kuko u Ntwa Yeso álisile ukuyapo nukubomba i findu ifikulumba. Kangi u nnyambala gwakiKristi uyu alinkwisa kwa une, nukuti. . . Undumbilili gwa kipanga, u nnyambala unnunu, kangi umwene alinkuti, “Nkundwe Branham, ugwe kugela ukubika pankyene ku bandu ingulilo ya bafundigwa,” umwene alinkuti, “kangi napápo ingulilo ya bafundigwa yimalike.”

<sup>89</sup> Kangi une ndinkuti, “Une ngusuma ugwe, nkundwe gwangu, nangisya une akabaliko kako ingulilo ya bafundigwe yámalikile, mu Lisimbo.” Une ndinkuti, “Ingulilo ya bafundigwa yályandile pa Lisiku lya Pentekosti, kangi iyene yili. . . Peteri átile, pa Lisiku lya Pentekosti, ‘U lufingo luli kwa umwe, kangi ku bána binu, kangi ku bene aba bali kubutali, bope na babingi aba u Ntwa Kyala gwitu isakubakólela.’ Ngimba ndili apa ikyene kyámalike? Linga Kyala akáli ikukólela, kokuti ingulilo ya bafundigwa yikáli yikukindilila.”

<sup>90</sup> Kangi polelo uku ko kuko abandu bikugela ukukupilila abandu bingi fiyo, mukwisila mu nyiho sya bakulumba, mumo ikyene kyâyilfile akabalilo kala. Kangi ugwe kutoligwa ukukéta nongwa ya fiki abandu bikuya bikyele fiyo kangi bitwále fiyo. Kangi—kangi ingomano—ingulumba isi syo luko lwa bukíndáne, ikindu ikihesya fiyo, ku bandu bangi, yo nongwa yakuti abene babongotwile ukukisania ifipingo fila. Abene



babongotwile ukukisania ifikīngo fila, ukwisa mu Kuyapo kya Kyala, kuko abene bikukéta ulufingo uluboneseligwe ulwa sala iyi luboneseligwe pankyeni pa bandu. Abene bakibwene iki Kyala āfingīle.

<sup>91</sup> Mwa Yoeli 2:28, Umwene āfingīle, ukuti, “Mu masiku ili ilyabubumalikisyo pisakuyapo ifula ya kusulo *yoneligwe* panja pa bandu, mmasiku gabumalikisyo.” Une ngwinogona i lisyu lwa kiGriki pala lyo *kenos*, ili likusanusya ukuti Umwene “ālisukwīle” Mwene panja. Komma mu njila yila iyi uswe tubagile ukuyoba, ukufwana i kindukimo kyāli nkati mwa munduyumo, ukuti Umwene alisukwīle panja. Loli, Umwene alyonile akene ku Mwene.

<sup>92</sup> Umwene āsanwike; u *en morphe* Gwake. Umwene—Umwene asanwike, ukufuma ku iki Umwene āli, ukubuka ki iki Umwene ali. Umwene akāsanusyemo siku ubupeligwa Bwake mma. Loli pa Lisiku lya Pentekosti, Umwene alīsanwisye Mwene ukufuma ukuya Mwanundumiana gwa mundu, ukubuka ku Mwanundumiana gwa Kyala. Umwene ālisile, komma *na* bandu. Umwene ālisile *mu* bandu, muketile, u Kyala yulyula, ukukindilisya u bubombelo Bwake pankyeni, mu ngulilo ingulumba iyi.

<sup>93</sup> Umwene āsolwile mu li Bangeli, ukuti, “Kwisa kwisaga i lisuku ili litisakuya pamusi pamo pakilo, loli nkabalilo ka namayolo ukwene kwisakuyaga Bwelu.” Lilino, i lisuba, mbufunda bwa kisu, likufyuka kubusōkelo kangī likwingila kubwingililo. Ilyene lyo lisuba lilalila, akabalilo kosa. Lilino, akabalilo kako, u Mwanundumiana, M-w-a-n-u-n-d-u-m-i-a-n-a, isetwile Mwene mu kwintangisya pabwelu kwa Lisyu ilifingigwe, kwa Israeli, abandu ba Kubusōkel’ilisuba.

<sup>94</sup> Uswe tatalile twāli ni lisiku lya busulumanie. Uswe twali nalo ulumuli mu babumbakangi, na fyosa, ukutendeka ifipanga ni fipanga-fipaguko, ukwingilamo mufyene kangī ukwisamo mula; nu kufipa ababonda, nu kwegesya abakusi, nukusyila abafwe, na fyosa; nu kwitugasya nkipanga.

<sup>95</sup> Loli, nkabalilo ka namayolo, “Ukwene kwisakuyaga Lumuli,” Umwene ātile, “nkabalilo ka namayolo.” Kangī likayapo i Lisimbo ili libagile ukubongotoligwa. Kangī yulayula M-w-a-n-u-n-d-u-m-i-a-n-a uyu ālisukwile Mwene, *kenos*, pa Lisiku lya Pentekosti, āfingile ukubomba ikindu kilakila nkabalilo ka namayolo. Muketile? Ikyene kyo kufwana nu lufingo.

<sup>96</sup> Bikaga akakalatasi palikimo. Kéta iki kikuboneka, kangī kéta iki Umwene āfingīle, polelo ugwe kukéta kuko uswe tuliko. Bikaga ikindu iki palikimo. Ugwe ubāgīle ukukéta ukukupula kwa uyu unkulumba nu gwamaka Yula. Inyiho sikupilile abandu, kangī, ku ifi ifindu ifikulumba fifyo fisololigwe.

<sup>97</sup> Mōse, akabalilo kako asōkege panja ukufuma ku kyāmba, iki kya pa Moto, mumo kimogile ikyakulingania!

<sup>98</sup> Mōse ābukile ukusulukila ku Igupto nukubabula abatāta bakipanga ukuti u Ntwa Kyala ālinjatīle umwene mu Ngamu ya “UNE YONE.” Ingamu yila yo tensi gwa mwisyugu; komma “Une nāli; nisa kuyaga.” Loli, “UNE YONE,” akabalilo kosa yulayula, yulayula mmayolo, umwisyugu, kangi bwilanabwila. Umwene mu tense ya mwisyugu. Umwene... Kila kikufwanikisigwa nu Bahiburi 13:8, “Yeso Kristi yulayula mmayolo, umwisyugu, na bwilanabwila.”

<sup>99</sup> Iyene likāli lyo Lisyu ilisololigwe. Kangi, i kilundilo, iki kyayaga pa kwingila ni Lisyu bo nswigala gwa ngungubiya, ubwendelemo bwa lisiku ili. Ababumbakangi bali nakyo ikyene, o, loli ili lyo lisiku ilingi. Kéta i lisiku ili uswe tulimo nu bumi. Itolo bo Umwene ākabagile ukwisa, mmasiku aga Umwene ālisīle pa kisu kya pásī, mu—mu njila iyi Mōse ālisīlemo, pamo aligwesa gwa basololi; ikyene kikasololigwe mma. Kangi mu masiku agabumalikisyo ili, ikyene kisololigwe ukwisa mu njila iyi. Ikyene kikabagila ukwisa mbubumbigwe bwa lusasanio lwa Luteri. Ikyene kikabagile ukwisa mbubumbigwe bwa lusasanio lwa Wesley. Iyene yo sala ya kugomokesya. Akene ko kabalilo ukuti ikyene kigomokelege ku Lumuli Mwanundumiana lwakubwandilo, u lwakubwandilo.

<sup>100</sup> O, mumo uswe tubagile ukwala a Masimbo mula, pa ikyo! Kangi umwe mwe bafundakyala, kyo kiyabo kya kisu iki mufumileko, umwe mumenye ukuti Kila kyabwanalo. Ulwene lo lufingo. Kila kyo kikipela abandū ukuya bakīndāne. Kila kyo kikipela abakīndāne-basekesye, iki mukabakōlela abene. Ikyene kyo nongwa yakuti abene...ikyene kyo... Ikikīngō kīguligwe, ukufuma ku nyiho, kangi abene bikukibona Ikyene. Umwene yo yuyo mmayolo, umusyugu, na bwila. Muketile? Ulwene lo—ulwene lo lufingo lwa Kyala, kangi uswe tukabagila ukubuka nukulwana na kila, 'nongwa yakuti a Masimbo gakabagila ukubongotoligwa. Ena. Uswe tukwaga ukuti Umwene āfingile kila. Umwene īsukwile Mwene mbandu Bake. Kangi Umwene yo yuyo mmayolo, umusyugu, na bwilanabwila.

<sup>101</sup> Mōse, ukufuma pápo umwene āsulukīle ku Igupto nukufumysya iki, polelo Tāta alinkusisimikisya i ndumi yake, mu kwisila mukwisa ku Kyamba Sinai, mu Mbanda ya Moto yilayila, nu kwitugasya pa kyamba pa Moto. Ngimba uswe twāketésisye? Yuyo Umwene apele ulufingo kumwene, Umwene alintwele umwene panja na Lisyu. Umwene āli ni ngōmelésyo. Kangi ukuya nu lulagilo ulu, umwe āli...Ingōmelésyo yāli Lisyu. I Lisyu likālisilēmo siku ku bandu tasi. Polelo, i Lisyu bwila likwisa kun'nsololi yula, kangi umwene āli nsololi yula ku sala yila.

102 Bo yu Yeso āli Lisyu. Yohani ali nsololi. Kangi Yeso alinkwisa ku mwene, mmisi, panongwa yakuti i Lisyu akabalilo kosa likwisa ku nsololi, kisita kutoligwa. Muketile? I Lisyu likwisa kwa ikylene.

103 Polelo, Mōse, i Lisyu lyālisile ku mwene, ingōmelésyo. Kangi umwe ālinasyo isyene. Lilino, fiki? Bo i Lisyu likāli likapigwa nu kubonekela pabwelu, Mōse alinkufimbilisigwa ukwikinga ikisyo kyake, kabuno i Lisyu lyākāli likabonekile pabwelu tasi. Abene bāmenye i kindukimo kyābonīke, loli abene bakāmenye ukuti kyāli fiki ikylene, ukulunduma nu fitayataya. Mpaka, abene balinkuti, “Unko Mōse ayobege, kangi komma Kyala.”

104 Kangi Kyala alinkuti, “Ena, une nisakubombaga kila. Ukufuma iki ukubuka, Une ndisakubonekaga bo ulu kangi mma. Une ngutumaga abasololi bala. Polelo umwene isaku. . . Une nisakuyobelaga ukwisila mu nsololi Gwangu.”

105 Lilino, linga Mōse, nu lulagila ulupeligwa, (bo yu Pauli, mu Bakorinti Bakibili apa, asetwile kwa uswe), afimbilisigwaga ukukupilila ikisyo kyake ni kipeligwa, ko kukindapo kuki iki Ikyamwambepo kikuyaga kyalwimiko kangi ukukupiligwa kwa nsitakwitika bo ikylene kikāli ukubonekela ku mwene! Ko kukindapo kuki abene bābagīle ukunkōlela. . . Mōse āli nkīndāne-nsekesye. Ko kukindapo kuki abene bisakubakōlelaga umwe, mwe mulepwile ukukisania ikikīngo, mubukile mu Mbanda ya Moto, musōkile panja nu Lusayo! Kangi lilino umwe mukingisigwe. A bandu bakabagila ukukibona ikylene. Abene bakabagila ukukupilikisya Ikyene.

106 “Linga ikyakipeligwa kiyeye kyalwimiko, ko kukindapo kuki kisakuyaga ikikindekipeligwa! Linga ikyakipeligwa, iki kyāli nu bumalikisyo ku kyene, kyayaga kyalwimiko, ko kukindapo kuki Iki kikyō kikaya nu bumalikisyo ku kyene, kisakuyaga kyalwimiko!”

107 Loli, pōpe, Ikyene kikupililigwe. Ikyene kikupililigwa komma kwa mwitiki, loli kwa nsitakwitika. Umwene akabagila ukukibona Ikyene. Kyala akabalilo kosa ikwikinga Mwene ukufuma ku nsitakwitika. Inyiho sikufisa Ikyene. Mumo abene bābombile akabalilo kala, abene bikubomba ikylene umwisyugu.

108 Kila kyāli kikīngo kyamwambepo iki uswe tuli nakyo lilino, kuko ikikīngo ikipeligwa kyāli. Abene basisimikisigwe nu nsololi ni Lisyu ilisimbigwe, unkunguluka, yumo uyu ikwisa ni Lisyu ilisimbigwe, ukulipela Ilyene liyege pabwelu.

109 Abene balimenye i Lisyu lyāliko kula, loli abene bakāliménye ukuti Ilyene lyasanusyaga fiki. Kangi Mōse alinkulipela Ikyene liyege pabwelu. Umwene alinkuti, “Ingōmelésyo yikuti *Iki* na *iki* yo nongwa.” Umwene alipelile Ilyene ukuya pabwelu. Kangi bo Ilyene likabīkigwa pabwelu, Ilyene lyākingisigwe.

110 Kangi momumo ikylene kiyilile, umwisyugu, kikingisigwe ku bandu, mpaka Ilyene lisetuligwe nu kupeligwa liyege

pabwelu ku bandu. Kyala, u Kyala mwenemaka, akupililigwe mu mbili gwa bundu, i Lisyu. Ketésya. Lilino uswe tukusyagania ukuti Ilyene lyakupililigwe ku basitakwitika, loli lyasetuligwe ku bitiki.

<sup>111</sup> Ketésya, Mōse ābagisénie ukwingila mu Mbanda ya Moto iyi, pamwene. Nayumo ābagile ukubuka nu mwene. Ikyene kikāli...ikyene...Ngimba ikyene kikuyoba fiki kwa uswe? Ukuti ugwe utikwisa mu Iki mukwisila ukwingila nkibugutila kya ba kiPentekosti. Muketile? Umwene akāsetwilemo siku Ilyene ku kabugutila. Umwene asetwile Ilyene ku mundu yumo. Kangi iyo yo njila umwisyugu. Ugwe kuyoba, “Une ningile ku i—i kipanga. Une—une ningile ku *iki*.” Loli ikyo kitikubomba imbombo. Muketile?

<sup>112</sup> Kangi kwa yumo aligwesa ukugela ukukōnga Mōse, ukwegelela ikyene, bwāli bufwe. Kangi momumo kiyilile ikyene umwisyugu, ubufwe bwamwambepo, ukugela ukwegelela. Ikyo kyo iki ki. . .

<sup>113</sup> Ikilo iki, uswe tukwisa mu, kulipo ukutupuka pakati pa fibugutila, ukufwanikisania kwambili; umunduyumo ikugela ukubombela bo Ikyene, kangi ukwitugasya ubumi ubukindane; abagile ukunwa, abagile ukukwesa, abakikulu babagile ukwitugasya bulibosa...kifuki injila yiliyosa iyi abene bikulonda, kangi bo kisu kya pāsi, kangi ukusyala ku nyumba nukuketelela i senema, ni findu fya nkisu, kangi pópe ukwikōlela bene ba kiPentekosti. Abene bikugela ukwegelela ikyabwanaloliloli. Ikyene kikasitulgwamo siku ku bene, tasi. Akabalilo kako Ikyene kisetuligwe, ikyene kyalwimiko, kangi i kindukimo kikwega ikyo ukufuma mwa ugwe akabalilo kako ugwe kwingila Mula. Ugwe kuya kikīngo. Ikyene kyo. . . Ikyene itolo kitisakubomba imbombo. Kangi ukwegelela Ikyene bo bufwe.

<sup>114</sup> Ikikīngo kya Mōse; umwene āli yo Lisyu ilyabumi ku bandu. Kangi umwisyugu, a bandu aba bakingigwe bo kindu kilakila. “Abene bo ba kalata basimbigwe, bikubaligwa na bandu bosa.” Koma u kalata *umpya*; loli u Kalata uyu asimbigwe, atendekigwe ukwibonesya pabwelu. Ikyene kyo—ikyene kyo bala aba bikwitika i Lisyu kangi u lufingo lwa lisiku ili, ukuti Kyala ikonelela panja u Mbepo Gwake, pa mibili gyosa, kangi ikyo kyo bakalata basimbigwe. Kangi akabalilo kako u mundu ikugela ukwegelela mumbili ikyo, ikyene kikutusulila kunyuma. Ubumi bwake bukunangisya iki ugwe guli.

<sup>115</sup> Akabalilo kamo ālipo u ndumiana, umwene ālisile mu ndamio yimo. Umwene āli ndumiana nnuu, loli umwene—umwene ābukile ku bulongi. Kangi u ndongi alinkuti, “Une ngukwaga ugwe utobisigwe. Une ngufimbilisigwa ukufunda ugwe ku bumi mminyololo.”

116 Umwene alinkuti, “Une ngulonda ukugela inongwa yangu nimwene.” Umwene alinkuti, “Une ngulonda ukwingila mula pa fisimbigwe fyangu.”

117 Umwene alinkuti, “Ugwe ukayanafyo nafimo ifisimbigwe. Ifisimbigwe fyako fyo ifi fikutobĩsyeye ugwe.”

118 Kangi ikyo kyo momumo kiyilile ikyene umwisyugu, i nongwa iyi i kipanga kitikukindilila mumo ikyene kibagilile. Ukwene ku kisimbe. Ubwene bo bumi. Uswe tukufimbilisigwa ukuya bákwiyumila fiyopo. Uswe tukufimbilisigwa ukwitika i Lisyu lililyosa ilya Kyalá. Uswe tukufimbilisigwa ukulondalonda mpaka i Lisyu lila lipeligwe lyanaloliloli kwa uswe. Muketile? Muketile? Ikisimbe kyo iki kikutupinga uswe ukuti tungingilága mula.

119 Loli, akabalilo kamo, (ukukwitikisya ugwe ukuti usókemo nkipingo iki), mu bulongi bulabula, u ndumiana akáli nasyo nasimo i hela. Umwene alinkutoligwa ukuhomba ikyene. Ulufundo lwáli kubutali ma elifu ga ma dola. Loli umwene áli nu nkulu gwake uyu álisile nukuhomba ikyene ukumalisya mbuyo bwake.

120 Lilino, uswe tuli nagwe u Nkulu gwitu, Yeso, u Mwanundumiana gwa Kyalá. Kangi Umwene álisile ukuhomba ikyene mbuyo bwitu, linga itolo uswe tukwitika ikyene kangi ukuya kyakubombigwa ukwingila mu kikingo nu Mwene. Bo, Umwene yo Mōse gwitu. Yeso yo Mōse gwa mwisyugu. Mōse, íkingile, áli yo Lisyu lyabumi ku bandu. Umwisyugu, Yeso, íkingile, yo Lisyu lwabumi ku bandu, ukuti, Yeso mu Kipanga. U Mbepo Mwikemo, u Mwanundumiana gwa Kyalá nkati mbandu, ikusetula i Lisyu mukwisila mu lufingo ulwa lisiku ili, ikulipela llyene itolo katikati. Lilalila lilino.

121 Kangi kumbukilaga, Mōse ábombile iki, kangi ábonisye pabwelu iki, komma ku kisu kyosa, loli ku bandu abasóka panja, ikiyabo kimokyene itolo ikya bandu, kila kyáli bala bábo basókile panja pa kusó- . . . mu kusóka panja.

122 Kangi umwisyugu, u Mbepo Mwikemo, mu kisyo kya bandu aba bikuyoba, “Ububumbulusyo bwakyalá bukaya butalusyi mma.” Akabalilo kako une natulatulaga . . .

123 U dokotala alinkungólela une, ilisiku ilingi, isya u nkikulu unnini, o, syalipo inongwa sina pamo sihano pala, balambalele itolo kifuki ku bufwe, babapele isala, kangi u Mbepo Mwikemo ábabumbulwisye abene. U dokotala áli namalalúsyo pa kyene. Umwene alinkuti, “Ngimba iki kibagile ukuya bulebule? Fiki,” umwene alinkuti, “Une—une . . . Uyo yo mbine gwangu.”

124 Une ndinkuti, “Ikyene kyáli. Loli lilino ikyene kyáli kya Kyalá. Ikyene—ikyene, ikyene yo gwambombo Gwake lilino.” Muketile?

<sup>125</sup> Kangi polelo ugwe kukéta i kindu ikyene kyo, ukuti Kyala ikukólela ukusóka, ukwisa ukufuma ku nyuma kwa kikíngo kyambili aba bikugela ukwegelela, aba bikugela ukwingila ikipanga; komma Methodisti, Baptisti, Puresbeteri, bosa palikimo, loli fipanga fya kiPentekosti. Ikyene kyo kindu kya pamwenepamwene. Ikyene kyo ugwe na Kyala. Ugwe kufimbilisigwa ukwingila mula, komma i kibugutila kyako, komma i kipanga kyako, komma u ntimi gwako, loli ikyene yo ugwe uyu ikufimbilisigwa ukwingila mula.

<sup>126</sup> Une ngulonda umwe uketéya akayilo akangi aka Mōse, akabalilo kako umwene ásóka pánja. Palema, ukuya nsololi, ukuya nnyambala unkulumba uyu umwene áli, akabalilo kako umwene ásóka panja ni Lisyu, a bandu bakétile ukuti umwene asanwike. Ikindukimo kyabonike ku mwene. Akabalilo kako umwene ásóka ni Lisyu ilisisimikisigwe ilya sala yila, i ngomelesyo, umwene áli mundu unsanuke.

<sup>127</sup> Kangi polelo ugwe kwisakuyaga, akabalilo kako ugwe kwisa ukufuma kunyuma kwa kikíngo kya bundu iki kyābagile ukuséka ku lukoma bo ulu; u nnyambala yula uyu ābagile ukwitabania ku bubumbuluso lwa Bwakyala, nukuyoba ukuti amasiku ga fiswigisyo gakindile. Ugwe usatwike ukufuma kunyuma ya kikíngo kya bundu kula, i kikíngo kyalwiho, kangi aligwesa isakumanyaga i kindukimo kyābonike kwa ugwe.

<sup>128</sup> Bo yo nkundwe gwitu unjindikigwa, Jim Brown. Une ngwinogonela bingi aba kiPuresbeteri bamenye ikyo ukuti ikindukimo kyābonike ku mwene, panongwa yakuti umwene—umwene isile ukufuma kunyuma kwa kikíngo ikyalwiho. Umwene akibwene i kindukimo mu bandu, iki kyānkwabile umwene, kangi umwene alinkusóka panja ukufuma kunyuma kwa kikíngo.

<sup>129</sup> Ena, ugwe, akabalilo kako ugwe kusóka panja ukufuma kunyuma kwa kikíngo, ugwe kuyaga mbonekelo bosa ubwa bandu palapala, ukuti abene babagile ukuketa ukuti i kindukimo kibonike kwa ugwe. I Lisyu ikupililigwe, ku basitakwitika, loli lili mbubonekelo bosa bwa mwitiki. “Yeso Kristi yo yuyo mmayolo, umwisyugu, na bwilanabwila.”

<sup>130</sup> Polelo, ikyene áli Kyala. Mmasiku gala, ikyene áli Kyala mu Mundu, u Mwanundumiana Gwake, Yeso Kristi. Uswe tukwitika ikyo. Komma itolo u nsololi, komma itolo u nnyambala ugwapaliposa, umundu ugwapaliposa. Ukyene áli yo Kyala mwa Kristi; Kyala mu Nnyambala; ubwisusye bwa Bwakyala, mumbili mu Nnyambala. Kyala mu Nnyambala!

<sup>131</sup> Lilino ikyene yo Kyala mu banyambala, ubwisusye bwa Kyala mu Bwakyala, mumbili mu Kipanga Kyake kyosa, ikwinangisya Mwene, ikufwanikisya i Lisyu Lyake.

<sup>132</sup> Lilino uswe tukwaga, Kyala, mu ngulilo syosa, āyaga ni kipapa pa Ikyene. Umwene, Kyala, ifisága kunyuma ku kikíngo.

133 Ikyene kikungumbusya itolo une isya—a kapango akanini aka kabonike pási pala Kwitongo. Kangi polelo kwáliko a káya ka kiKristi kula. Kangi polelo nkaya ka kiKristi aka abene bitikaga Kyala, kangi abene—abene binogonaga ukuti—ukuti Kyala ábapakikisyaga abene ukufuma ku ndamio syösa. Kangi, iki, Umwene ikubomba. Kangi abene bali nu nnini Mwanitu, akalumiana akanini ukufwana ifyinja fihano-na-fibili pamo lwele mbukusi. Kangi—kangi umwene ábukile ku sukulu ya Ndungu kangi áli kalumiana kanini kanunu fiyo. Loli umwene átilaga ikitayataya, fiyofiyo akabalilo kako íkimwekumweku kya mwekukaga.

134 Kangi une nakibulile iki ku nnyambala yumo, i lisiku limo, akabalilo kako akayabo aka kásökile panja ukufwana nu nnyambala uyu ukuya mbumbulusigwe. Yuyuyu undumbilili alinkuti, “Abene bikupela u kyala yumo ukufuma kwa ugwe, Nkundwe Branham.”

135 Ena, umwene áli ndondesya-ubusobi, polelo une nālinogwíne une nābagíle itolo mu luko lumo ukukisösyá itolo panja, itolo akayabo kanini. Komma ukufulasya, umwe mumenye, loli itolo u luko. . . Une ndinkuti, “Ngimba ikyo kyo kutali fiyo ni Lisimbo, ukuya ikyo?” Muketile? Une ndinkuti, “Umma, ikyene kikaya mma,” une ndinkuti, “panongwa yakuti Yeso ábakōlile abasololi ‘bakyala.’ Muketile? Uko ko kutalusya, ‘Kyala.’”

136 Kangi abene bikuyoba, “Ena, mwe bandu umwe mukugela ukwega u buyo bwa Kyala.” Ikyo kyo kikaya kubutali fiyo panja. Ikyo kyo katikati iki ikyene kili. Ikyo kyo katikati. Kyala íbonisye mu mbili, mumo Umwene áfingíle itolo.

137 Akakolo akanini aka, uswe tukwaga. Une nālimbúlile umwene akapango akanini aka, aka kisile ku minogono gangu itolo lilino. Ukuti, ikilo kimo ukwene kwisaga ifula ya mbelo, kangi māma alinkuyoba kwa Mwanitu, alinkuti, “Lilino, ugwe bukaga mmwanya mwa nyumba, mwanundumiana, kangi kagone utulo.”

Alinkuti, “Māma, une ngutila,” umwene alinkuyoba.

“Kakayapo nakamo aka kikukufulasyaga ugwe. Fyukaga mmwanya kangi kagone utulo.”

138 U Mwanitu unnini ālambalele mmwanya mula, kangi íkimwekumweku kikumwekuka ukusyungutila ilibwinda. Kangi u mwinitu unnini alinkuya nu lutende fiyo, umwene íkupililága mu kyakwikinga, kangi umwene ákālī āpilikága i—i kimwekumweku, pamo ukuketa íkimwekumweku kikumwekuka pa bwindo, kangi—kangi ukupilika íkilunduma. Polelo umwene alinkuti, “Māma!”

Kangi umwene alinkuti, “Ngimba ugwe kulonda fiki, Mwanitu?”

Alinkuti, “Isaga mmwanya kuno nukugona na une.”

<sup>139</sup> Polelo umwene alinkufyuka pa mafyukilo, mumo aligwesa māmā unnunu, unsubiligwa abagile. Kangi umwene alinkwisa pamwanya, kangi umwene alinkummwega u nnini Mwanitu mmaboko gake. Kangi umwene alinkuti, “Mwanitu, māmā ikulonda ukuyoba kwa ugwe itolo pa kabalilo.”

Alinkuti, “Umma ndaga, māmā.”

<sup>140</sup> Alinkuti, “Lilino ugwe ukibike iki mminogonelo gako. Uswe tukubuka ku kipanga, kingikingi. Uswe tukubala i li Bangeli. Uswe tukwiputa. Uswe twe kikolo kya kiKristi. Uswe tukwitika mwa Kyala.” Kangi alinkuti, “Uswe tukwitika ukuti, mu mbelo na filifyosa ifi fikuboneka, Kyala yo lupakikisyo lwitu.”

<sup>141</sup> Umwene alinkuti, “Māmā, une ngwitika akayabo kalikosa ka ikyo. Loli,” alinkuti, “akabalilo kako ikimwekumweku kila kikuya kifuki fiyo,” umwene alinkuti, “Une—une ngulonda u Kyala ugwa kipapa pa Kyene.”

<sup>142</sup> Polelo, une—une ngwinogona, komma mwene u Mwanitu, loli twesa ba uswe tukwipilika injila yila. Akabalilo kako uswe tukwisa palikimo, akabalilo kako uswe tukwiputa yumo ku nnine, Kyala ni kipapa pa Kyene.

<sup>143</sup> Kangi uswe tukusyagania apa ukuti Kyala bwila āyaga ni kipapa pa Mwene. Akabalilo kako u Mōse alimbwene Umwene, Umwene āli ni kipapa pa Mwene, ābonekaga bo Nnyambala. Akabalilo kako Kyala āli kunyuma kya fikingo, Umwene āli ni kipapa pa Mwene. Kangi Kyala, ikilo iki, mu Kipanga Kyake, akupililigwe mu Kipanga Kyake ni kipapa pa Kyene. Umwene akāli yo Kyala yulayula, ikilo iki. Uswe tukukyaga ikyo.

<sup>144</sup> Loli lilino, bo bwila, ikikingo kya kipapa kyo kikukōla u lwiho. Abene itolo bikutoligwa ukwitika ukuti kila yo Kyala ikupela abandu bala ukubombela bo lula. Muketile? Iyene yo nongwa yakuti Kyala akupililigwe mu Kipanga Kyake, mu kipapa, kipapa pa Kyene. Uko ko kotalusya. Umwene afisiḡwe ukufuma ku nsitakwitika, kangi asetuligwe ku mwitiki. Ena, nkulumba.

<sup>145</sup> Lilino, akabalilo kako ikikīngo kyabo ikya lwiho, ikya nyiho sya bakulumba ni Lisyu, yilepuligwe ukukindilila, o, ena, umwisyugu, polelo ikwisa mbubonekelo bwapabwelu, uswe tukumbona Umwene, Bwākyala kangi bukingigwe mu mbili gwa bundu. Abahiburi 1 āyobile bo ulu.

<sup>146</sup> Kangi yōpe Bwandilo 18. Umwe mukukumbukila, Kyala āli Mundu, imile pala, ukulya, nukuyoba na Abraham, nukumbula iki Sarah ābombaga mu kitembe kunyuma kwa Ikyene.

<sup>147</sup> Kangi Yeso ātile, “Mumo ukwene kwayilile mmasiku ga Sodomu, momumo ukwene kwisakuyilaga pa Kwisa kwa Mwanundumiana gwa mundu.” U Bwākyala bukingigwe kangi mu mbili gwa bundu! Lilino, kumbukilaga, Yeso akāyobile,



“Akabalilo kako u Mwanundumiana gwa Kyala ikusetuligwa.” Mwa Luka untu gwa 17, une ngusubila, kangi ukufwana amanadi ga 20, ga 21, pabuyo bumo ukwisila mula, Umwene ātile, “Polelo akabalilo kako u Mwanundumiana gwa mundu ikusetuligwa.” U Mwanundumiana gwa mundu, ukugomokela mu—mu—mu Kipanga kangi asetuligwe mbundu bwa bandu; somma u Mwanundumiana gwa Kyala, loli u Mwanundumiana gwa mundu kangi, ukugomokela mu Kipanga Kyake kangi, mmasiku gabumalikisyo. Uswe tukwaga ukuti Umwene āfingile kila mu fingo sya Kyala.

<sup>148</sup> Uswe tukukétesya ikindu ikingi, mu Lwitikano Ulukūlu. Une ndinalyo i Lisimbo apa, mu Kusōka. Ukuti, ifipapa fya lukoti ifyaiyolo, ngimba ikylene kyābombīle fiki? Ikyene kyafisaga u Lwimiko lwa Kyala ukufuma ku bandu. Ifipapa fya lukoti; bópe na nabandu bakābagile ukukibona Ikyene, panongwa yakuti ikylene kyāli kipapa iki kyākollelile Ikyene. Ikipapa kyāli. . . U Lwimiko lwa Kyala lwāli ku nyuma kwa kipapa.

<sup>149</sup> Kangi lilino u Lwimiko lwa Kyala luli kunyuma kwa kipapa kyako. Uko ko kutalusya. Kangi i nyiho sitikukibona Ikyene mma. Ikyene kili nkati nkikīngo, kūko i Lisyu Lyake lyāli.

<sup>150</sup> Ngimba fiki kyāli nkati mwa kipapa ku nyuma kula, ikipapa kya lukoti ikyaiyolo?

<sup>151</sup> Iki, “Bukālipo nabumo ubumogi uswe tufimbilisigwege ukunyonywa Ikyene. Kangi akabalilo kako Ikyene kyāpeligwe mbili nukwitugasya pakati pa uswe, Ikyene kyakāli kisita bumogi uswe tufimbilisigwege ukukinyonywa Ikyene.”

<sup>152</sup> Kangi lilino ikindu kilakila kyo kili umwisyugu. Kikayapo nakimo mu nnyambala pamo u nkikulu, iki kibagile ukunyonyigwa. Ikyene kyo iki kili kunyuma nkati mula. Ikyo kyo iki ikylene kili. “Ena,” ugwe kuyoba, “umwinitu yula, une mmenye umwene āli kinwelwa iyolo. Umwene iyolo ābombaga iki.” Une ndikupasya iki umwene ābombaga iyolo. Ngimba kyo fiki iki kifisile kunyuma kya kipapa kila? Ngimba kifiki iki kili kunyuma kula, ikyo kyo kili nimbombo. Ikyo kyo iki, a bandu bakupiligwe. Ikipapa kikubagoga maso a bandu. Muketile? Abene bikuyoba, “Une ngukumbukila akabalilo kako unkikulu yula ābombaga iyolo.” Une mmenye iki umwene ābombaga iyolo, loli ngimba bule lilino? Muketile?

<sup>153</sup> Ifipapa fila, iki akabalilo kamo kyāli pa lukoti, loli lilino ikylene kikukupilila u Lwimiko lwa Kyala, kyegile Ikyene kiyēngelīgwe kunyuma ikylene. Ikyene kyāli pa kinyamana, loli lilino ikylene kikuyengelela u Lwimiko lwa Kyala.

<sup>154</sup> Kangi polelo ngimba ikipapa kyako kibagile ukusanuka, ikilo iki, ukupeligwa ikyakuyengelela kwa Kyala, Kyala ikwitugala nu bundu.

<sup>155</sup> Kéta. Ifipapa ifyaiyolo ifya lukoti, uswe tukusyagania, kunyuma ikyene kyáli. . . Nkati mwa mula lyáli Lisyu. Kangi, i Lisyu, mula mópe gwälimo u nkati-gwabuyepo. Ilibokosi lyänyafiligwe. Kangi ngimba ikyene kyáli fiki? U Lwimiko lwa Shekinah lyáli mula.

<sup>156</sup> Lilino, i Lisyu lyo Mbeyu, kangi Ilyene likabagile ukupapa mpaka u She- . . . u Mwanundumiana ikutika Ilyene. U Mwanundumiana abagisenie ukuya pamwanya pa Mbeyu, ukuyipela Iyene ukupapa, ukuyipela Iyene yisökége panja. Kangi iyo yo njila yene. Ugwe kwegu i Lisyu, muketile, ega i Lisyu lya Kyala mu ndumbula yako, kangi ingila mu Lwimiko lwa Shekinah. Kangi akabalilo kako ugwe kubomba, Ikyene kikutwala u nkati-gwabuyepo, Maná, aga gapegigwaga kwene ku bandu abapaguligwe. Íkindu kyene iki kibagile ukulya ugwene, iki kytikisigwe ukulya ugwene, bo bene abandu aba bitikisigwe kangi bagumenye Ugwene. Pauli átile apa, “Ukusanuka ukufuma ku Lwimiko ukubuka ku Lwimiko.” Umwe muketile, kumalikisyo, Ikyene kikwisa mpaka Ikyene kigomokile ku Lwimiko Lwake lwakubwandilo.

<sup>157</sup> Ikyene kifwene itolo bo mbeyu ya lwimiko lwakulubunju. Imbeyu ya bulenge, iyene yikugwa mu mfu. Imbeyu ya kilombe yikugwa mu mfu. Ngimba ikindu kyakwanda kyo fiki? Iyene yikufyuka, kangi iyene yo kamela kanini. Polelo iyene yikubuka ku bulenge. Polelo, ukufuma ku bulenge, ukugomokela ku kilombe kyakubwandilo.

<sup>158</sup> Ena, ikyo kyo katikati iki i Kipanga kibobile. Ikyene kifumile kwa Luteri, Wesley, kangi lilino kigomokile ku Mbeyu, ukugomokela ku Lwimiko Lwake ulwapabwandilo, ukugomokela ku Lwimiko iki Ikyene kyáli ku bwandilo. U Mwanundumiana uyu á sokile ku Busökelo, ikyene yo Mwanundumiana uyu ikwinangisya pabwelu ikindu kilakila ku Bwingililo, ukwisanusya ukufuma kwa Lwimiko ukubuka ku Lwimiko. Ikyene kyanwike ukufuma ku busitakyala, ukusuluka mwa Luteri; kangi ukufuma Luteri, ukusuluka mwa Wesley; ukufuma mwa Wesley, ukusoka ukwingila Pentekosti; kangi nkyeni na nkyeni, ukusanuka ukufuma ku Lwimiko ukubuka ku Lwimiko, ukusösyá panja a Maná amafisigwe.

<sup>159</sup> Kangi lilino Ikyene kikíle, ukuntwala Umwene ukugomokela katikati mumo Umwene áli ku bwandilo, ububombeli Bwake bulabula; u Yeso yulayula, a maka galagala, u Mbepo Mwikemo yulayula. Yulayula Uyu ásulwíke pí Siku lya Pentekosti, yo u Mbepo Mwikemo yulayula uyu abonekile umwisyugu, ukufuma ku Lwimiko ukubuka ku Lwimiko, ku Lwimiko. Kangi kigomokile ku Mbeyo Yake yapabwandilo, nu losyo lwa Mbepo Mwikemo; ni fika filafila, ifiswigo filafila, u losyo lulalula; u luko lwa bandu lulalula, ukubombela injila yilayila, na maka galagala, ukwipilika kulakula. Ukwene ko ukufuma ku Lwimiko ukubuka ku Lwimiko. Kangi ikyakukonga

kisakuyaga, “Ukusanuka ukufuma ku Lwimiko ulu, ukubuka mu mbili bo gu Gwake Mwene u mbili gwalwimiko, mumo uswe twisakumbonaga Umwene.” Abraham âketîle kilakila.

<sup>160</sup> Lilino, ketésya. Uswe tukuketa mumo ikyene kyasanusigwe. Ukufuma pa Kalvari, uswe tukubilikigwa ukuyabana u Lwimiko Lwake. Lilino, mwa Bakorinti Gwakwanda 12, “Uswe tósígwe mu Mbili Gwake. Ukwisila mwa Mbepo yumoywene ntiga uswe twesa tósígwe.” Komma ukwisila “mmisi.” “U Mbepo yumoywene ntiga, uswe twesa tósígwe.” Uko ko kutalusya, lilino, kangi polelo uswe tukuya kiyabo kya Umwene.

<sup>161</sup> Une ngusubila ndikubakuyunga umwene akabalilo katali fiyo. [Ikilundilo kikuyoba, “Umma.”—Nsimbi.] Muketile? Une ngusubila une ndikubomba.

<sup>162</sup> Loli, ikyene kifwene itolo bo ulukobelo ulukulumba ulu lukukuba panja, pamo ukukina ulukino.

<sup>163</sup> Une ngamanya fingi fiyo isya i ngobelo pamo i ngino. Loli une naketelelaga u lukino ulu. . . Une nâyobaga isya *Carmen*, akabalilo kako u mwanundindwana gwangu âli mu lwene. Kangi abene—kangi abene bâkinaga mu ngobelo iyi, mu *Carmen*. Abene bâkinaga panja. Inyimbo ya—ya—ya yâbombelaga i kindu kilakila.

<sup>164</sup> Iyo yo njila iyi ikyene kili akabalilo kako ugwe gôsígwe nu Mbepo Mwikemo, mwa Kristi.

<sup>165</sup> Lilino, muketile, mwe bingi ba umwe mubalile pamo mupilike akapango ka umwati unkulumba ugwa kiRussia yu âlyatile *Peter And The Wolf*. Kangi mumo umwene, abene bikukina ikyo pa ngwaya na filifyosa. Kangi aligwesa yu amenye akapango, yu ikubala akene ukufuma pa kakalatasi, kangi abagile ukupilika ulukobelo lula, mumo ulwene lukukinila kila mosa, u lukino, ukukuba ulwene mosa, fiki, abene bamenye ukusanuka kulikosa. Abene babagile ukuketa ikyene *apa*, kangi nukukéta ubusanusyo.

<sup>166</sup> Loli, lilino, ngimba fiki fikuboneka linga u—linga u mwati ikusimba i kindukimo, kangi uswe tukusyagania ukuti ikyene kikakinigwa itolo mosa nu butalusye? Uswe tukusyagania ukuti kilipo i kindukimo iki kikuboneka. Kilipo kimo iki kikulondigwa, akabalilo kako uswe tukufibona ifyene. Umwene yuyo âtile kokuti âtile ikyene itolo nukusimba ikyene mosa, kangi polelo u lukobelo lukukina ikyene, lukutika ulusambo ulusóbi. Kilipo kimo kisóbile pala. Ū ndongosi apéle amabiti amasobi. Muketile?

<sup>167</sup> Kangi ikyo kyo iki kitamísye umwisyugu, bakundwe bangu ba kiLuteri, bakundwe bangu ba kiBaptisti, bakundwe bangu ba kiPentekosti. Mwesa bakundwe bangu abafume mfipaguko ifikindanekindane, ikyo kyo iki ikyene kili. Muketile? Ugwe kugela ukupa u lusambo ulu lwâtikaga mmasiku ga Luteri, Wesley, bo lula, akabalilo kako, naloliloli, i Kikalatasi kya

Iwimbo apa kikunangisya ukuti ulwene lo lisiku ilingi. Muketile? Muketile? Muketile? Uswe tukabagila ukwitugasya mu lumuli lwa Luteri mma; umwene âli mbumbakangi. Uswe tukupalisya akake—akake akayabo, loli uswe tukinile kala mosa. Uswe tuli kubutali kula *apa* ku nyuma kwa Buku lilino. Muketile? Uswe tukabagila—uswe tukabagila ukukina Ikyene mosa bo lula mma.

<sup>168</sup> Lilino, injila yene iyi ugwe kubagilaga ukubomba ikyene, bakundwe bangu, yo iki. Kangi bakundwe bwa nkisu kyapási, aba fiyabo fikindanekindane fya kisu kyapási, une ngufimbilisigwa ukuyoba, yilipo injila yimoyene kwa yula—kwa yula u ndongosi ukubomba. Umwene ikufimbilisigwa ukwingila mwa Mbepo yulayula uyu u Mwati âlimo, polelo umwene alinakyo Ikyene. Kangi akabalilo kako i Kipanga, i Ngobelo Yene, kuko i kisu kyapási kikulondalonda i fika ni fiswigisyo ifi; akabalilo kako i Kipanga, kangi u Mwāti, kangi nu ndongosi, bosa bikwingila mwa Mbepo gwa Mwāti.

<sup>169</sup> Polelo akabalilo kako abene bikuyoba, “Amasiku ga fiswigisyo gakindile,” ikyene kitikutika ulusambo ulutalusyi.

<sup>170</sup> Loli akabalilo kako ikyene kikwingila mu mbubobelo ubutalusyi bwa Ikyene, kangi u Mbepo untalusyi gwa Ikyene; ngimba ugwe kubombaga bulebule ikyene mpaka u Mbepo ikusuluka pási, ugwa Mwāti? Ameni. Polelo akabalilo kako ugwe kuyoba, “Amasiku ga fiswigisyo gakakindamo siku,” i Ngobelo yikukūta panja, “Ameni!” Akabalilo kako uswe tukutika, ukuyoba, “Yeso Kristi yo yulayula mmayolo, umwisyugu, na bwilanabwila,” i Ngobelo yikukūta panja, “Ameni!” “Ugwe kwisakwambilalaga a maka ukufuma pa uyu Mbepo Mwikemo ísile pa umwe.” I Ngobelo yikukūta, “Ameni! Une nambilile Ikyene!” Yikayapo kangi mma imbombo yakusakikisya ukufwana ni kyene polelo. I Ngobelo yosa yili mulamula mbwitikisano ni Lisyu. Ikyene kyo... [Nkundwe Branham ikukuba ifiboko fyake—Nsimbi.] Ikyo kyo ikyene. O! Ikyene kyo kindu kyapamwanya. U ndongosi nu Mwāti bikufimbilisigwa ukuya mwa Mbepo unfwanefwane. Kangi momumo abakuba—fyombo bikufimbilisigwa ukuya mwa Mbepo unfwanefwane, ukukina Ikyene mosa mosa. Kangi i kisu kikuswiga iki kikubombigwa.

<sup>171</sup> Iki komunisti iki abene bikuyobapo, kangi kimbelile une nje mbine ni kyene, kangi kosa ukwitwala palikimo na filifyosa nu kupagulana. O kisa! U luko, bosa ubutoyofu ubu, akabali kako u Kwisa kwa Ntwa kuli kifuki, kilipo kimo kikutika nubusobi. Une ngutila ukuti u ndongosi alina... Abalongosi basōkilemo mwa Mbepo gwa Mwāti.

<sup>172</sup> Akabalilo kako uswe tukwega u Mbepo gwa Mwāti, a maka gala agapabwandilo aga Kyalala aga ili Bangeli lyāyobile, “Abanyambala abaiyolo bāgutigwaga na Mbepo Mwikemo ukusimba ili Bangeli ili,” ugwe kwisakukétaga

utuyabo twa kakalatasi twa kiChina tula tukwisa palikimo, itolo mumo ili Bangeli lya Kyala nu mwitiki bikwisaga palikimo, panongwa yakuti abene bo babilibosa mwa Mbepo unfwanefwane. Abene bo babilibosa kindu kifwanefwane. Abene bikwingilana bo nswigala gwa ngungubiya mulamula palikimo. Iki uswe tukulondigwa umwisyugu bo balongosi, uko ko kotalusya, ukugomokela ku Lisyu, ukugomokela nu kwitika Ilyene itolo mumo Ilyene liyobeligwe. Polelo ugwe kumbonaga u Kyala, Yuyomwene. Uko ko kukupula. U lukino lupeligwe ukuya lwanaloli.

173 Umwisyugu, abene bikuyoba, “Ena, Umwene yo Kyala gwa syambukulu. Uswe tumenye Umwene älobwike i Nyanja i Ngesefu. Umwene äbombile fyosa *ifi*. Kangi Umwene äli nkati mu—mu ng’anjo ya moto, na bāna ba kiHiburi.” Kyo kinununki iki kilipo pa Kyala gwambukulu, akaya, linga Umwene akaya yo yulayula umwisyugu? U mundu bwila ikumwimika Kyala kuli *ifi* Umwene äbombile naloli, ikwinogona *ifi* Umwene isakubombaga, kangi ikupika *ifi* Umwene ikubomba. Ikyo kili itolo mwa mundu ukubomba ikyo. Kangi ikyene kyo kindu kilakila umwisyugu, bakundwe bangu. Ikyene kyo kindu kilakila kila. O, mwe!

174 Unko uswe tugomokelege nukwakwega u Lukobelo lukukina nubutalusyi, kuko abene abankisu babagile ukukéta. Yeso ätile, “Linga une mfyusyigwe mmwanya ukufuma ku kisu iki, Une nisakwabilaga a bandu bosa kwa Une.” Kangi, “Umwene yo yuyo mmayolo, umusyugu, na bwilanabwila.”

175 Unko abalongosi bisege mwa Mbepo untalusyi, na bakubafyombo kangi nu Mwäti, kilikyosa kisakuyaga kanunu. Polelo uswe twe, pakayapo imbombo ya kusakikisya ukufwana na ikyene, uswe twe tulinganisigwe nu Mwene kokuti. Abahiburi 13:8, “Umwene yo yuyo mmayolo, umusyugu, na bwilanabwila.”

176 Uswe twe tulinganisigwe nu Mwene mu Imbombo 2. Uswe twe tulinganisigwe na bene, nu losyo lulalula, i kindu kilakila. Fyosa *ifi* Umwene äli akabalilo kala kangi fyosa *ifi* Umwene ali, fyosa Umwene äli kangi fyosa Umwene ali, uswe tuli. Uko ko katikati ikyene.

177 Itolo bo linga une ngulonda ukuya mwaMerika ugwanaloliloli, une ngufimbilisigwa ukulinganisigwa na kilikyosa umwene äli, kilikyosa umwene ali. Une ngufimbilisigwa ukulinganisigwa ni kyëne, linga une ne mwaMerika ugwanaloliloli.

178 Linga une ne mwaMerika gwanaloliloli, polelo une nälobwike pa Lyalabwe lwa Plymouth. Amen. Une näbombile, linga une ne mwaMerika gwanaloliloli. Momumo nugwe; ugwe gwälobwike pa Lyalabwe lya Plymouth na batäta ababëti. Pa Lyalabwe lya Plymouth, akabalilo kako abene bälöbwike, une näli na bene; momumo na nugwe, aligwesa.

179 Une nālitogile nu Paul Revere, palapala ukusuluka pa njila, ukunsoka umwene isya bugogi. Uko ko katikati kutalusya.

180 Kulakula ukusuluka kuno ku Kikoga Forge, une ndinkuloboka u Delaware gwa matalala, ni kibugutila kya basikali aba, sinda gwa bene, bakāli nafyo ifilato bafwele. Une nāliputīle ikilo kyosa nu George Washington, mukuketēla ngānila. Une nālobwike u Delaware ni mboniboni mu ndumbula yangu. Uswe twe baMerika. Ena, nkulumba. Ku Kikoga Forge, une naloliloli nābombile.

181 Une nāgomokisye ukupalisya na batāta ba Kupa-lupalisyo lwāpabwandilo. Une nāgomokisye ukupālisya kwa Kyala. Linga une ne mwaMerika gwanaloliloli, une nālinganisigwe kula pa kigemo kila.

182 Linga une ne mwaMerika gwanaloliloli, une nālinganisigwe akabalilo kako une nālimīle na Stonewall Jackson.

183 Linga une ne mwaMerika gwanaloliloli, une nālinganisigwe pa Lusekelo lwa Chai ku Boston, ena, nkulumba, akabalilo kako uswe twakānīle ukuya ni findu fikwabiligwege pamwanya pa maso gitu. Ena, une ne mwaMerika gwanaloliloli. Une nālinganisigwe kula na kila. Ena, nkulumba. O, mwe!

184 Une nākubile i Libangala lya Bwabuke, pisiku lya 4 lya Julai, mu 1776. Une nākubile i Libangala lya Bwabuke apa kangi nukufumusya ukuti uswe twāli bābuke. Ukuya mwaMerika gwanaloliloli, une nāfimbiligwaga ukubomba.

185 Une nālinganisigwe nu soni syake mu Busambuki, akabalilo kako u nkundwe ālwaga ukulwana. Une ngufimbilisigwa ukupimba isoni syake, mulamula mo une ngufimbilisigwa ukupimba ulwimiko lwake. Linga une ne mwaMerika, une ngufimbilisigwa ukuya. Une nālinganisigwe nu mwene. Ena, nkulumba.

186 Une nālinganisigwe nu Gettysburg pāsi pala, akabalilo kako Lincoln ayobile ubuyobelo bwake. Ena, nkulumba.

187 Une nāli pa Lusūngo lwa Wake, pamwanya pa gili imibili gwalilopa igwa basikali. Une nasumwike pa Lusūngo lwa Wake.

Pa Guam, une nātulīle ukufyusya indēmbēla yila.

188 Une ne mwaMerika ugwanaloliloli. Ameni. Fyosa ifi umwene ali, une ndi, kangī ngwitufya ifya ikyene. Ena, naloliloli. Fyosa ifi America āyaga, fyosa umwene ali, une ngāli kila, ukuya mwaMerika. Kilikyosa iki umwene āli, une ngufimbilisigwa ukuya, panongwa yakuti une ndinganisigwe nu mwene.

189 Ikindu kilakila, ukuya Nkristi gwabwanaloli, ugwe kufimbilisigwa ukulinganisigwa ni kyene.

190 Une nālumbilīle na Mōse, kangī ndinkusok-. . . pamo na Noa, kangī ndinkusoka a bandu isya bulongi ubu bwisaga; ukuya nKristi gwanaloliloli.

191 Une nāli na Mōse ku lusingi ulwake. Une nayibwene i Mbanda ya Moto. Une nālubwéne u Lwimiko Lwake. Une nāli nu Mōse pamwanya pala mmatengele, ukuya nKristi. Une ngufimbilisigwa ukulinganisigwa na kilikyosa iki Kyala āli, ukuya nKristi. Une nālubwéne u Lwimiko Lwake. Une nāpilike i Lisyu Lyake. Komma ukulingania ikylene ukusosayapo pa une lilino, 'nongwa yakuti une nāliko kula. Une mmenye iki une nguyobela. Une nākibwene iki kyābonike. Ena, nkulumba.

192 Une nāli pa Nyanja i Ngesefu, akabalilo kako une nālimbwene u Mbepo gwa Kyala ikusuluka pási nukupagulania a misi ukufuma ku lubafu lumu; komma ukukilania ikibugutila kya ndete, iki abene bikugela ukuyoba umwisyugu, loli ukukinda ukufwana ama fiti malongo lwele na kalongo ga nyanja. Une nālimbwene u Mbepo gwa Kyala. Une nālyendile na Mōse ukukinda u mfu umūmano gula, ukukilania i Nyanja i Ngesefu.

193 Une nālimile palubafu lwa Kyamba Sinai nukuketa ikilunduma ni kimwekumweku fikugwa. Une nālile a Māna na bene panja pala. Une nānwile ukufuma ku Lyalabwe. Une ngāli ngubomba ikylene ikilo iki. Une nālinganisigwe na balya-Māna. Une nālinganisigwe na bene aba banwaga ukufuma ku Lyalabwe.

194 Une kangi nālinganisigwe akabalilo kako u Yohua ākubaga ingangabwite, kangi ifibumba fya Yeriko filinkugwa pási.

Une nāli nkipinda kya ngalamu na Daniele.

Une nāli mu ng'anjo ya moto na bana ba kiHiburi.

Une nāli mu Kyamba . . . nu Eliya pa Kyamba Carmel.

195 Une nāli nu Yohani Umosi, kangi pankyene pa balondesya-busobi. Une nalimbwene u Mbepo Mwikemo ikusuluka pási. Une mbilike a Masyu ga Kyala ukuyoba, "Uyu yo Mwanundumiana Gwangu unganigwa mumo Une ngwikyela kanunu ukwitugala mumo." Ena, nkulumba. Une naloliloli nālinganisigwe nu mwene. Ikyo kyo katikati kotalusya.

196 Une nālinganisigwe kula ku lipumba lya Lazaro, akabalilo kako Umwene ālimfyusisye u Lazaro. Une nālinganisigwe, unkikulu yula pa kisiba, bo Umwene ālimbulile umwene imbibi syake. Ena, nkulumba.

197 Une naloliloli nālinganisigwe nu Mwene mbufwe Bwake. Kangi une nālinganisigwe pa Pasaka gwakwanda. Une nasyukile nu Mwene ukufuma ku bufwe. Une ndinganisigwe nu Mwene mbufwe Bwake.

198 Une nāli na bamia na balongo babili bala, nkipinda kyapamwanya. Une nālinganisigwe pamwanya pala na bene. Hai! Une—une ngwipilika mwiputi. O, mwe! Une nālinganisigwe pala. Une ne yumoywene gwa bene. Une nālinganisigwe. Une ndinabo ubwendelemo bulabula abene bali nabo. Une

nāli pala akabalilo kako ikyene kyabonekaga, ukuya nKristi gwanaloliloli. Une nābikile ubukéti u Mbelo ugwamaka umbopabopa gukwisa. Une nābikile ubukéti ikyo. Une nālipilike a maka ga Kyala bo Ikyene kikusenya. Une nāli na bene aba bāyobaga mu ndimi. Une nālipilike ubupake bukwisa nkati mula. Une nāli na bene. Une nālinganisigwe na bene akabalilo kako u Mbepo Mwikemo alinkwanda ukuyoba mu ndimi, na bene.

<sup>199</sup> Une nāli na Peteri, pankyene pa balondesya-busobi mu Imbombo 2, akabalilo kako umwene ālumbilile ubulumbilili ubukulumba ubu umwene ābombile. Une nālinganisigwe na mwene. Ena, nkulumba.

<sup>200</sup> Mu Imbombo 4, akabalilo kako abene bakomene palikimo, une nāli na bene akabalilo kako inyumba yilinkusenya. Ukufuma pa lukomano lwa lwiputo, inyumba yilinkusenya kūko abene bālitugesye. Une nalinganisigwe kula na bene.

Une nālumbilile na Pauli pa Kyamba Mars. Ena, nkulumba.

<sup>201</sup> Une nāli na Yohani pa Lusūngo lwa Patmos, nukukéta u Kwisa Kwake ukwakibili.

Une nāli na Luteri mu bubumba-kangi.

<sup>202</sup> Une nāli na Wesley, umotomoto gula; unyakiligwa ukufuma ku myoto, akabalilo kako ukusambukila ukukulumba ukwakulwana ni kipanga kya Anglican. Une nāli kula nu mwene.

<sup>203</sup> Kangi apa une ndipo ikilo iki, 1964, mu Philadelphia, Pennsylvania, ndinganisigwe nu luko lulalula lwa kibugutila, nu luko lulalula lwa bwendelemo. Une ngufimbilisigwa ukuya, ukuya nKristi gwanaloliloli. Une ngufimbilisigwa ukusyala ndinganisigwe kuko i Lisyu lya Kyala likunangisigwa pabwelu. Une ndinganisigwe ni kibugutila iki kikwipilika u Mbepo gwa Kyala.

<sup>204</sup> Une ndinganisigwe ni kibugutila iki kimenye ukuti Umwene akupuligwe, iki kimenye Umwene yo yulayula mmayolo, umwisyugu, na bwilanabwila, iki kimenye ukuti Iki kikaya bumilisi mma. “Ikyene yo Yeso Kristi yulayula mmayolo, umwisyugu, na bwilanabwila.” Une ndinganisigwe ni kibugutila kila apa, ikilo iki. Palema, abene bikukōleligwa ikipambo kya basambuke, palema ikipambo kya bumilisi, pa nongwa ya Lisyu lya Kyala. Loli, “Une ngaya nisoni ni Nongwainunu ya Yeso Kristi, kabuno Ikyene kyo maka ga Kyala ukubuka ku bupoki,” kangi une ndi yumo. Une ndi na bene abakalata abumi aba une njobilepo, basisimikisigwe, Kyala ikingile mbubumbigwe gwa bundu, mu banyambala na bakikulu. O!

<sup>205</sup> Kyala mu *en morphe* Gwake kangi, ikupwile Mwene nukwipela amanyigwege Mwene ku bandu Bake. U Mwalafyale unkulumba alinkubika palubafu u Lwimiko Lwake. “Tasi



pakabalilo kanini kangi i kisu kitisakumbona Une kangi mma. Une nisakukupililigwaga ku bene. Loli umwe mwisakumbonaga Une, kabuno Une ngwisakuyaga na umwe, mope nkati mmyinu, injila yosa ku kubupyutigwa, ukusanuka ukufuma kwa Luteri ukubuka kwa Wesley, ukubuka nkyeni kangi nkyeni, ukufuma ku Lwimiko ukubuka ku Lwimiko. Une ngāli ne Kyala yulayula uyu ali nu bumi, kangi ukugomokela kunyuma ku Lwimiko ulwakubwandilo.” Haleluya!

<sup>206</sup> Umwene abongotwile ikikīngo kyafipaguko kilikyosa, ikipinga kogo kilikyosa. Akogo kala kakuti, “O, ubo bo bumilisi,” Umwene abongotwile mulamula ukukilania kila. Akogo aka kakusōka panja pala, kakuti, “O, a bandu bala basyutilemo,” Umwene ābongotwile mulamula ukukinda ikikīngo kilakila. Ena, Umwene ābombile. “O, umwe mukabagila ukubomba ikyene. Umwe mwe nakimo loli kibugutila kya abandu bumilisi.” Umwene ābongotwile mulamula ukukinda kila. “Nalumo u luko lwa kindu kimo bo bubumbuluso Bwakyala.” Umwene ābongotwile mulamula ukukinda ikyo, o, mwe, kabuno i Lisyu Lyake lyāyobile Umwene ikubombaga. Ugwe ukabagila ukuponjola i Lisyu Iya Kyala.

<sup>207</sup> Kangi pala Umwene ikwima, pópe, ikilo iki, u Mponjoli gwamaka yula, ukufuma pápo Umwene ābongotwile kilikyosa ikiMethodisti, i kiBaptisti, i kiPuresbeteri, ikikīngo kya luko lungi lulilosa. Umwene ākali imile pakati pa bandu Bake, ikilo iki, kisita kuponjologwa nu nyiho. Unko a bandu bayobe iki abene bikulonda, bomba iki abene bikulonda, kangi kilikyosa iki abene bikulonda. Kyala ikwisa, ukubongotola mulamula ukukindila iki pinga kya kogo.

<sup>208</sup> Kangi kumbukilaga, abene bikumbula one, akabalilo kako i ndege naloliloli yikubongotola ikipingo kya kogo, yikayapo ni mete ku bubopelo bwake.

<sup>209</sup> Une ngubabula umwe, akabalilo kako ugwe kubongotola ukipingo kya lwiho, ukuti, “Yeso ali kunyuma kubutali kula, kangi Umwene akaya lilino mma,” akabalilo kako ugwe kwaga Umwene yo yulayula mmayolo, umusyugu, na bwilanabwila, gukayako u mpaka ku iki Kyala abagile ukubomba papapa apa mu lukomano-ulukulumba ulu, kangi ukunangisya ikisu iki kikyō abene bikulonda: komma ikibonesyo kya kisu, loli ulusasanio lwa kisu ulu lwisa kwisusigwa kangi ukosigwa nu Kuyapo kwa Kyala gwabumi, *en morphe* ukwikinga Mwene mu mbili gwa bundu. Haleluya! Une ngwitika ikyene.

<sup>210</sup> Abongotwile, ikipingo kilikyosa, ikikīngo kilikyosa! Nakimo kyābagile ukukinga u Kuyapo Kwake. Akabalilo kako a bandu bikuya ni njala mu ndumbula syabo, kilipo ikikīngo kītendekisye ukulepuligwa. Ugwe ubagile itolo ukusubila pa ikyo. Ukulepula ikikīngo kilikyosa, nu Mbepo Mwikemo Gwake unkulumba!

211 Kangi apa Umwene ikwima, ikilo iki, u Mponjoli gwamaka yula, mmayolo umwisyugu, na bwilanabwila; ukubumbulusya ababine, ukosya abitiki, mumo itolo Umwene bwila ābombelaga. Umwene yo Mponjoli gwamaka. Imisyétano imigunigwe gili pa bubope. Ena, nkulumba. Igyene bwila gikubomba, akabalilo kako Umwene alipo.

212 Ukwigala, une mbagile ukuyoba iki. Kwalipo a . . . Nābalile akapango, ifyinja fingi ifi fikindilepo, ukufwana ni unkubaviyolini ugwayolo. Umwene āli ni violini ingūlu iyi abene bayaga pakūlisya. Umwe mupilike akapango, utubalilo twingi. Kangi abene balondaga ukūlisya iyene panongwa ya kandu kamo. Kangi umūlisi alinkuti, “Ywani isakumbapo une *syakuti-na syakuti?*” Une ngusubila umwene afingiligwe utukopala tunini, lumo amasenti malongo mahano, pamo i kindukimo. “Yikubuka kamo, yikubuka kabili . . .”

213 Pankyeni, u nnyambala alinkusumuka mmwanya ku nyuma. Umwene alinkuti, “Itolo ku miniti yimoyene.” Kangi umwene alinkwenda kula nukuyege iyene. Unko uswe twinogone ukuti umwene ākinile iyi:

Yilipo i Nyibuko yiswile ni Lopa,  
Likwabigwe ukufuma mu ndepa sya  
Immanueli,  
Akabalilo kako abatulanongwa bikwiwubika  
pási pa butēke bula,  
Bikutaga ububibi bwabo bosa.

214 Polelo akabalilo kako umwene ayilambalike iyene pásí, gakalipo amaso amūmano mbuyo bula. Polelo umwene alinkuti, “Ywani isakusakikisyaga?”

215 Yumo alinkuti, “Maelifu mahano.” “Maelifu kalongo.” Iyene yāli nsitantengo. Fiki? U—u fundi ugwiyo ugwa violini āsetwile ikibagililo kyake ikwabwanaloli.

216 O, nkundwe, kalumbu, lilino unko u Fundi gwa Lisyu ili, Uyu āsimbile Ilyene, u Mbepo Mwikemo unkulumba, apake umpulya mu lusambo Lwake nu lugano, kangi akwabe ikylene ukukilania i ndumbula yako.

Yilipo i Nyibuko yiswile ni Lopa,  
Likwabigwe ukufuma mu ndepa sya  
Immanueli.

217 Ugwe kwisakugubonaga untengo gosa, nukumbona u Kyala unkupuligwe ikwisa mulamula mbubonekelo. Ukuti, Umwene yo yulayula mumo Umwene āyilile akabalilo kako Umwene āsulwike pa Lisiku lya Pentekosti, pa bandu, akabalilo kako Umwene ālikenosile Mwene, “ukwisukulila” mulamula nkati mu Kyene. Uko ko kotalusya.

218 Ugwe kuyoba, “Nkundwe Branham, une ngelile. Une ngelile. Une mbombile *iki, kila, i kingi.*”

219 I lisiku limo une nāyaga nu lukomano ku Carlsbad, New Mexico. Kangi uswe twasulwike mu iki ikinywamu ikyaiyolo ikipinda kya kasyusyu ukusulukila kula. Kangi ikyene kyabonekaga ubusisya, kangi uswe tulinkufika kubusuluko kula. Kangi u—u nnyambala, akabalilo kako umwene āfikile kūsi kula mu buyo ubu, umwene—umwene alinkusimisa ubwelu. Kangi, o, mwe, ugwe ubagile ukwinogonela mumo kwāyilile ubutitu i ngisi. Ikyene kyo itolo. . . Ikyene kyo kyangisi fiyo mpaka ugwe gwapalamasyaga ubwene.

220 Kangi yila yo itolo kifuki njila utubalilo tukwisila ukuya, akabalilo kako i kipanga iki kikutologwa ukulyagania i Lisyu lya Kyala; akabalilo kako ugwe kubabona abanabalindwana ba Ziyoni bikubomba mu njila iye abene bikubombela; akabalilo kako ugwe kubabona abakundwe bitu aba bikukwesa nu kunwa, kangi—kangi ukuyoba isunga inyali ni findu, kangi pōpe bikugela ukukōlela ubwifumusye bwabo mwa Kristi. O, mwe, ukwene kuli ngisi. Ukwene kuli ngisi ya mpulya.

221 Uswe tukukibona ikimanyilo kya Kwisa Kwake. Pisakuyapo. . . Ukwene bwila kukuya ngisi ukukinda gosa itolo bukakya. Polelo i Ndondwa ya Kulubunju yikwisa ukufumunya i lisiku, kangi ukufumunya ilyene, kangi ukunangisya ukuti ilyene likwisa. Ketesya.

222 Nkati mula, akabalilo kako abene bāsimisye kila, ālipo u ndindwana uyu itolo alinkukūta pa mwanya pa masyu gake. Ālipo undumiana unnini imile pa lubafu lwa ndongosi, kangi umwene ālimbwene u ndongosi yula akabalilo kako umwene āsimisye ubwelu bo lula. Kangi u kalumbu unnini yula ali kifuki itolo ukusilika. Umwene ākutaga, ukunyela-nyela. “O! Ngimba kyo kiliku kikubonekaga ukukōnga? Ngimba kitamīsyē fiki? Ngimba kitamīsyē fiki?”

223 Umwe mumenye iki umwene ākolelaga? Umwene ātile, “Komma ukutila, kalumbu unnini. Alipo u nnyambala apa uyu abagile ukwasya ubwelu.”

224 Pilikisya, kalumbu nnini, ugwe ubagile ukwinogona uswe tuli banandi kangi mbunandi. Loli, komma ukutila. Alipo u Nnyambala apa Uyu abagile ukwasya u Bwelu. Uyo yo Mbepo Mwikemo. Umwe mukwitika ikyene?

225 Unko uswe twinamisye i mitu gyitu itolo nkabalilo. Une nsulumenie ukuti mbakyungile umwe.

226 O Kyala nkulumba gwa Kumwanya, kwikupula Gwimwene, ukwibālula Gwimwene, ukwipela Gwimwene ukumanyigwa, unkulumba Mwalafyale gwa Lwimiko, ega utwakwegelela utunini utu, ikilo iki, kangi unko utwene tugwe pāsī pa ndumbula sya bandu. Kangi uswe tulimbona yula unkupuligwe Yula, Yumo yula Yuyo āsulwike pāsī nukulepula ikikīngo kya tempeli; kangi polelo alinkusōka itolo panja pa kikīngo kila, ukwisa palapala pāsī nkati mu kikīngo kyabundu, pa Lisiku lwa

Pentekosti; lyáli akabalilo kosa lilalila, ukusanuka ukufuma ku Lwimiko ukubuka ku Lwimiko.

227 Kangi lilino uswe tugomokile itolo bo kipeligwa kilikyosa, ukubombela, ukugomokela kulakula ku Mbeyu yapabwandilo, palapala ukufuma ku ngulilo yimoyene ukubuka ku yingi. Kangi mu ngulilo ya bumalikisyo apa, apa uswe tulipo, ukugomokela itolo ku Kindu kyakubwandilo iki kyāgwile pa Lisiku lya Pentekosti, ukufwanikisya i Lisimbo lililyosa, “U Bwelu nkabalilo ka ku namayolo,” kangi, “Imbombo isi une ngubomba numwe mwisa,” kangi i findu fingi fiyo ifi Ugwe gwafingile mu Lisyu Lyako.

228 Tāta, linga palipo yumoywene apa uyu akalepulamo siku ukukindilila ikikīngo kila nalino, pamo linga apa alipo yumoywene apa uyu itolo egelelaga u mundu yumo uyu endilemo ukukilania ikikīngo, paga i lipyana ikilo iki, Tāta. Balimbonaga abene u Mponjoli gwamaka yula imile apa, iswile ni lipyana na maka, ukuhobokela. Tupaga icyene, Tāta.

229 Kangi akabalilo kako imitu gyitu ginamisigwe, ngimba babagile bamo nkati muno? Ngimba balinga, mbagile une ukuyoba, aba babagile ukuyoba, “Nkundwe Branham, une ngufyusya ikiboko kyangu. Nyiputula une”? Umilisyaga itolo ukwinamisya untu gwako, kangi fyusya ikiboko kyako, “Une ngulonda ukulepula ukukilania ikikīngo kilikyosa, mpaka une mbagile naloliloli ukumbona u Mponjoli.” Kyala akusaye ugwe. Mwe, ku maboko! Mmwanya mula mfipinda ifipayike, ku kililo? Kyala akusaye. Nkipinda kyapamwanya ku nyuma? Fyusya... Kyala akusaye ugwe. Yaga naloliloli gwanaloli-ndumbula. Ku kimama? Fyusya ikiboko kyako, yoba, “Nkundwe Branham, une nābagile ukuya nKristi ku fyinja, loli, naloliloli, une siku ngakilaniamo ikikīngo kila. Une ngabombamo siku icyene naloliloli. Une ngayanakyo Kila iki abene bālinakyo akabalilo kala.” Umwisyugu, uswe tulinabo... “Une ne kibyaligwa ikipya-kitala.”

230 Ega i liluba ili likusigwe pa kitala-kipya, ugwe kufimbilisigwa ukukapembusya akene, ukukakasakasa akene, ukukōnelela akeni, ukukapa amisi akene. Loli ikibyaligwa kyapabwandilo kila iki kikukula panja pala ndulangalanga, uluko lumolwene itolo ulwa maluba, lukuboneka bo akene; ilyene litikwambilila na kayabo ka misi, loli natumo utunyamana tukukaga akene. Akene ko kakafu. Akene ko kapabwandilo.

231 Ngimba ugwe ubagile ukufwanikisya i Kikristi ni Kikristi umwisyugu, na iki icyene kyāli akabalilo kala? Ngimba umwe mubagile ukwinogonela ikibugutila iki, kīkyo uswe tukukikōléla Bakristi umwīsyúgu, ukukilania i kisu kya pási, ukuya bo bala bāli ukufuma pa Pentekosti; ukupepēkigwa nu susutisigwa, kangi ukufuma ku kipanga ukubuka ku kinine,

kangi, ukuyoba ikindukimo iki umwe mukakigana, ukusumuka mmwanya nukusökela panja? Kangi, o, ngimba umwe mubagile ukwinogonela ikyo? Umma. Ngimba kitamisyey kyo fiki? Ukwene ko kwegelela.

<sup>232</sup> Michelangelo, uyu äpelile ikifwani kya Möse, ugwe ubagile ukwegelela kwa kila, kisita ntengo. Loli, ikyapabwandilo?

<sup>233</sup> Uyo äsingwile i Fyakulya fyakunamayolo fya Ntwa, une ngusakikisya ikisinguligwe ikyapabwandilo kila kikubopelaga mmaelifu ga ma dola, linga ugwe ubagile nukula ikylene. Une ngamanya nakuko ikylene kili. Loli ugwe ubagile uküla ikyakwegelela kya ikylene ikisitantengo kwa dola limo na masenti malongo-lwele-na-kalongo-na-lwele. Ugwe ubagile.

<sup>234</sup> Kangi iyo yo njila iyi ukwene kuyilile umwisyugu. U nKristi u nsitantengo, ugwakwegelela, itolo umwingila-kipanga, ugwe ubagile ukübagula abene ku ngambo yimoyene pamo a—pamo akakunwa akäpaliposa. Pamo, ku nkikulu ni nywili indumuligwe pamo imilomo impakigwe langi, ugwe ubagile ukungula umwene kwa kalikosa mufyakufwala fya kisu. Loli ugwe ukabagila ukupalamasya kila ikyapabwandilo.

<sup>235</sup> Une ngumbona Umwene mu bubonekelo bosa, yulayula mmayolo, umwisyugu, na bwilanabwila.

<sup>236</sup> O, Nkristi, ngimba ugwe utikulonda ukuya Nkristi gwabwanaloli? Linga balipo bamo aba bakäfyusisye ifiboko fyabo, ngimba umwe mukubombaga ikylene? Ena, une itolo nguyaga pakwiputa. Kyala akusaye ugwe. Kyala akusaye ugwe. O, ikyo kyo kinunu itolo. Keta itolo pa ikyo.


<sup>237</sup> Gwitu Täta Gwakumwanya, “I Lisyu Lyako litisakugomokela kwa Ugwe lisitakandu.” Ugwe yo Yumo uyu äfingile u lufingo. Une nguyaga gwakulongigwa itolo panongwa ya kuyoba ukuti Ugwe gwäyobile Ikyene. Une ngwandisyamo itolo a Masyu Gako. Ugwe gwäyobile, “Umwene uyu ikupilika a Masyu Gangu, kangi nukumwitika Umwene uyu älindümile Une, ali nu Bumi bwa Bwilanabwila.” Ugwe ufingile ikylene.

<sup>238</sup> Kangi, Ntwa, uswe tumenye uswe tulinabo abene abakwegelela umwisyugu, bingi aba bikuyoba ukuti abene bikwitika, napäpo, abene batikwitika. Ikyene kikuboneka. Loli, Ntwa, balipo bamo bapabwandilo, böpe.

<sup>239</sup> Une ngusuma ukuti Ugwe kupaga, nkati muno, ikilo iki, ukuti unnyambala nu nkikulu aligwesa, ndumiana pamo ndindwana, kisita kupasya ikikolo iki abene bali, yo langi nki abene bali, kyo kipanga nki abene bingile, O Kyala, bisusye abene. Balibubonaga abene ububoneke bwanaloliloli ubwa Yeso yulayula umwisyugu, papapa pakati pa uswe, mumo Umwene äyilile pa Lisiku Iya Pentekosti, akabalilo kako Umwene alinkusetula Mwene ku ngulilo iyi, ukuya Mbepo Mwikemo. Tupaka ikylene, ukugabona a Masyu gikufwanikisigwa, isololi sikwisa ukuboneka!

<sup>240</sup> Uswe tukufwanikisya, umwisyugu, iki kikukōleligwa kipanga kya nkisu kula, i World Council of Churches, kangu ukufwanikisya kila nu lufingo lwa pa Pentekosti? Kukayapo nakumo ukufwanikisya, na panandi. Uswe tukabagila ukusuka imyenda gyitu iminyali pa tikiti lila.

<sup>241</sup> Loli, Ntwa Kyala, linga uswe tukugomokela ku Nyibuko yila, lulipo ulubātiko lwa kusuka, polelo ubwendelemo bwitu ni Lisyu lya Kyala lisakufwanikisania kimo ku kinine. Polelo, uswe tubagile ukukwaba ifyabwenenabo fyitu. Tupaga ikylene, Ntwa, ikilo iki, akabalilo kako une ngubabika a bandu aba mmaboko Gako. Paga kwa yumo na aligwesa iki uswe tukulondigwa, Tāta. Uswe tukusuma mu Ngamu ya Yeso. Ameni.

<sup>242</sup> Kyala abasaye umwe. Ndaga fiyo umwe, kingi, panongwa ya kwima, ukugūlila akabalilo katali. Kangu une nsulumenie ukuti mbakyungile umwe mpaka amaminiti kalongo bo yikafika i sala ya kalongo. Kyala ayege na umwe mpaka une mbabonege umwe ku lubunju. Une ngusanusyila ulukomani lilino kwa, une ngusakikisya, kwa fundi gwa lukomano. 

*U KYALA MWENEMAKA AKUPULIGWE PANKYENI PA USWE* KYA64-0629  
(The Mighty God Unveiled Before Us)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kilebelo namayolo, Juni 29, 1964, panongwa ya lukomano-lukulumba lwa ba Full Gospel Business Men's Fellowship International ku Bellevue-Stratford Hotel mu Philadelphia, Pennsylvania, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)